



08757

顏氏家藏尺牘姓氏考

馮溥字孔博號易齋山東臨朐人遷益都順治四年進士
恩官大學士加太子太傅諡文毅有佳山堂集山東
通志溥生八歲授左氏春秋暨秦漢以下古文卽能貫
串根柢稍長窮極經史凡天文圖緯及兵書地志罔不
博綜陞吏部侍郎時尙書孫廷銓病目右侍郎石申亦
以事注籍凡一切推補溥獨主之一秉至公無所曲庇
康熙初年四大臣秉政議各省遣大臣二人巡察督撫
溥力爭以爲不可乃止陞左都御史有申嚴職任暨省

顏氏尺牘姓氏考

海山仙館叢書

刑薄稅諸疏拜大學士時薦魏象樞成性又有發帑備
荒疏在閣二載開誠布公表裏洞達既不詭隨又不矯
激商略大政或僉謀可用卽庶僚不遺若義所不可卽
貴近交口而溥必力爭改正總求有益於國而中無成
心王士正漁洋詩話馮氏自閩山先生起家進士以詩
名海岱間四子惟健惟重惟敏惟訥皆有詩名兼工詞
曲惟訥纂古詩紀風雅廣逸諸書有功藝苑惟重之孫
文敏公琦也文毅則惟訥之元孫云

龔鼎孳字孝升號芝麓安徽合肥人明崇禎七年進士

官兵科給事中 國朝歷官禮部尚書諡端毅有定山
集名家詩鈔小傳芝麓官蘄水合以殊尤徵爲御史坐
言事下獄甫論釋而明社屋人 本朝用大臣薦以原
官起用屢起屢仆卒以才名受 世祖之知嘗謂左右
龔某下筆千言如兔起鶻落真當今才子也湖廣通志
鼎筭合蘄水值流寇猖獗籌畫方略調度兵餉修城池
登陴防禦不少休王士正感舊集補傳生時庭產紫芝
因自號芝麓

曹溶字潔躬號秋岳自號金陀老圃浙江秀水人明崇
禎十年進士官御史 國朝歷官戶部侍郎終山西陽

顏氏尺牘姓氏考

二 海山仙館叢書

和道康熙十八年舉博學鴻詞以憂不赴有續徵錄劉
豫事蹟崇禎五十年宰相傳學海類編金石表靜惕堂
詩文集沈季友樵李詩繫溶天性耿直爲御史劾輔臣
謝陞削籍能開元密參周延儒廷杖溶疏白其寃甲申
爲流賊所執拷掠三晝夜委厯中得不死後任副憲時
遇熱審多平反居塞上五年歲饑力請拯救生平肆力
於文章諸體雄駿而尺牘尤多長牋小副人爭寶之其
詩源本少陵蒼老之氣一洗嫵調與合肥龔鼎孳齊名

世稱龔曹晚年自號鉅菜翁築室范蠡湖顏曰倦圃蒔
花種竹置酒唱和無虛日愛才若渴四方之士倚爲雅
宗者四十年

葉方藹字子吉號訥庵江蘇崑山人順治十六年進士
第三人及第歷官禮部侍郎 特加禮部尙書諡文敏
有讀書齋偶存稿 四庫全書總目方藹初著有觚齋
集後自棄其稿此集皆入仕以至歸田之作其詩導源
蘇陸不及王士正秀骨天成而和雅春容颯颯乎治世
之音也蘇州府志方藹升講讀學士屢被顧問 賜宴

顏氏尺牘姓氏考

三

海山仙館叢書

瀛臺撰入箴以進 聖祖善之撰太極圖說 賜貂裘

文綺

高辛允一名辛傳陝西韓城人明崇禎十六年進士官
大理評事 國朝歷官工部侍郎陝西通志辛傳提調
順天鄉試會中使送兩生入闈辛傳斥之 世祖廉得
其事 召對乾清宮嘉其風節屢加超擢韓故小邑土
狹民稠資食於延綏各路亂後盜賊出沒辛傳疏請設
兵神道嶺防守有資邑距潼關三百里輓運維難再疏

請免

劉思敬字純之江蘇上元人順治四年進士歷官參議有徹賸八編江南通志思敬十歲能文任刑部郎中執法無所避分核禮闈得士最盛尋擢參議乞終養修江南省志

劉體仁字公猷河南潁川衛人順治十二年進士歷官吏部考功司郎中有蒲菴集七須堂集識小錄 河南通志體仁生而英異目重瞳五歲父於膝上授大學中庸及就傳經史一覽成誦居郎署三年輦下諸名士爭欲識之體仁尤好獎借寒畯藏書二萬餘卷告歸後日

顏氏尺牘姓氏考

四 海山仙館叢書

手一編不問戶外事詩筆一出人士競傳誦之居家孝友睦嫻恂恂可接王士正池北偶談公猷慷慨任俠意氣自許嘗遊睢陽睢陽守贈遺頗厚歸經人家墓田徘徊久之曰此地自佳惜葬不合法不急遷且有奇禍因迂道訪其家爲主人道之曰公誠長者顧力不能遷奈何劉曰是易耳盡解橐中裝與之而去此與漢書原涉事頗相類又云公猷在鳳陽與其友蘇懋游銘孝廉往龍興寺與某禪師扣擊竟日晚歸遂化去是夜蘇夢公猷來微笑頌詩曰六十年來一夢醒飄然四大御風輕

與君昨日龍興寺猶是拖泥帶水行馮仙湜圖繪寶鑑續纂公猷性嗜六法蕭疎曠遠思筆高妙乘興寓意亦自天然沈荃字貞蕤號繹堂又號位莽又號充齋江蘇青浦籍華亭人順治九年進士第三人及第官詹事加禮部侍郎諡文恪有充齋集南帆詠江南通志荃父紹曾有至行聚徒授業荃爲河南大梁道有政績游歷詹事學行醇潔名重館閣書法尤推獨步爲聖祖所賞士以一

長來謁者輒爲噓植子宗敬兼工書畫仕至四譯館卿

顏氏尺牘姓氏考

五 海山仙館叢書

松江府志荃爲大梁道副使殲盜首董天祿牛充大等餘黨解散以他事望誤部降同知召見復四品仍入翰林充齋者爲大梁道時孫夏峯爲講充實之爲美數句有省遂以目號在詹事新例當流者徒烏喇極北荃謂烏喇距蒙古三四千里地不毛極寒人畜輒凍死罪不至死不應驅之死地召令畫一堅持前議聖祖改容納之又言山海關海洲差員宜撤湖口關宜仍徙九江有司盜案處分過嚴反滋諱盜不果行繆彤字歌起號念齋江蘇吳縣人康熙六年進士第一

人及第歷官侍講江南通志彤以艱歸淡於宦情遂專以課後學爲事巡撫湯斌內召奏吳中縉紳以道義自持者彤爲首先是彤爲庚戌同考官所拔如許自俊郭琇輩皆知名於世

徐乾學字原一號健菴江蘇崑山人康熙九年進士第三人及第歷官刑部尙書有讀禮通考資治通鑑後編愴園集四庫全書總目乾學家富圖籍所著皆閎通淹貫確有可傳集中考辨議說之類亦多與傳注相發明蓋乾學爲顧炎武之甥而閻若璩等亦多客其家師

顏氏尺牘姓氏考

六 海山仙館叢書

友淵源具有所自政學問頗有根據蘇州府志乾學八歲能文爲顧錫疇所知十三通五經主試順天苦心披閱拔韓菼於遺卷中明年菼遂大魁天下文體爲之一變轉禮部侍郎一切禮制酌古準今多所釐正轉刑部尙書甫就職會湖南巡撫張汧以罪被逮証乾學通賄事自上疏乞歸上不聽令解部務仍領各館總裁明年復爲副都御史許三禮所劾再疏乞歸命攜一統志朱元通鑑卽家編緝乾學慷慨有大志生平敦兄弟之好急朋友之難尤勤於獎進人物海內之士輻湊其

門名既高而又與有力者不相下故卒爲所逐

郝惟訥字敏公直隸霸州人順治四年進士歷官吏部
尙書謚恭定祀鄉賢有恭定集畿輔通志惟訥性謹慎
操持廉潔初登進士與父傑同朝士大夫多爲欣羨而
惟訥恂恂守儒素風累官吏部尙書杜絕請託奸胥不
敢有所上下銓政以清王士正居易錄霸州郝氏自戶
侍公傑以學吃虧三字揭堂額其子恭定公世守之恭
定弟惟謙丙戌舉人監察御史惟諤江西布政司參議
惟謙子士鈞戊辰進士翰林院庶吉士弟士醇舉人戶

顏氏尺牘姓氏考

七 海山仙館叢書

侍公弟位舉人子惟訓壬辰進士廬州府推官惟謨癸
丑進士內閣中書舍人都人以爲盛德之報聞 駕至
霸州幸其第親見之云

吳元萊江蘇興化人明國姓子貢生歷官禮部侍郎

孫承澤字北海號退谷山東益都人順天上林苑監籍

明崇禎四年進士官兵科給事中李自成僭位受僞職

爲四川防禦使 國朝歷官吏部侍郎有尙書集解九

州山水考詩經朱傳翼春秋程傳補五經翼畿轉人物

志益智錄元朝典故編年考天府廣記河紀學典春明

夢餘錄己亥存稿庚子銷夏記閒志軒帖考 四庫全
書總目承澤初附東林繼降闖賊終乃入於 國朝自
知爲當代所輕故末年講學惟假借朱子以爲重畿輔
通志承澤築退谷於西山耄而好學甞不倦於吏事
多所論述而有明一代典故尤瞭如指掌至於博古精
鑒一時圖書之富比之宋田氏云承澤退谷小志京西
之山爲太行第八陁自西南蜿蜒而來近列爲香山諸
峯乃層層東北轉至水源頭一澗甚深退谷在焉復有
高嶺障之而卧佛寺及黑門諸刹環蔽其間岡阜迴會

顏氏尺牘姓氏考

八 海山仙館叢書

竹樹深蔚幽人之宮也

法若真字漢儒號黃石山東膠州人順治二年以五經
特 賜中式授中書舍人次年成進士改國史院編修
應官安徽布政使康熙十八年薦試舉博學鴻詞有黃
山詩留 四庫全書總目若真詩古文詞少宗李賀晚
乃歸心少陵不屑櫛比字句依倚門戶意所欲爲不古
不今自成一格張謙宜法徵君傳徵君父孝廉翁中年
無子李夫人有身夢法真而生故名若真與弟若貞同
登進士盧見曾山左詩鈔黃石先生以高第人翰林再

遷秘書院侍讀與洪安南承疇陳溧陳名夏兩相國不
協外調浙江觀察轉補福建禦鄭寇有功遷浙臬平反
王式誣告等案浙人詫爲神明轉安藩丁內艱歸以詩
畫自娛卒年八十四張庚畫徵錄若真善山水筆有奇
趣

李之芳字鄴園山東惠民人順治四年進士歷官大學
士諡文襄山東通志之芳授金華推官燭奸理枉讞決
如神在臺十有四年忠謀讜議皆關大計彈劾不避權
要總督浙江軍務耿逆煽動以衢州係全浙上游且爲

顏氏尺牘姓氏考

九
海山仙館叢書

江淮屏障卽日移駐有異議者弗聽及耿逆重兵壓境
以甘言來誘立斬使焚書誓師出戰賊勢大挫方戰時
親冒矢石或勸其持重勿蹈不測答曰我若貪生誰不
惜死以此人皆奮力効用卒之大軍入閩長驅三關賊
指日面縛而全浙無恙皆之芳親捍三衢力也身在行
間歷九年乃凱旋去浙之日士民號呼如失父母浙江
通志之芳任金華推官浙省向苦解茶蠟請兌折色又
輯賦役全書縷晰條分瞭如指掌迄今奉爲準則以巡
鹽御史莅浙洞悉鹽政利弊凡不便於民者悉除之出

督浙閩閩逆告變之芳檄諸路分守要害遣副將黃廷
梅力堵仙霞關自趨衢州賊衆數萬攻衢之芳進擊於
杭西礮聲震地流矢如雨左右請少避之芳曰今日以
兵勝敗爲吾死生可稍怯耶諸將鼓勇直入賊遂却賊
黨猶熾以計招降僞將生擒賊首建言進取之路不在
溫處而在三衢此賊一破則諸賊駭亂迸散江山常山
間有間道可襲我軍進擊使賊首尾受敵河西安能獨
完進克大溪灘復江山縣急據關口賊將逆降大兵遂
入閩賊平之後疏請豁金衢五郡以前額賦貧民陷賊

顏氏尺牘姓氏考

十
海山仙館叢書

來歸者悉爲區畫衣廩又設糜通衢賑往來飢民百二
十二萬有奇流移者盡復故土

余國柱字石臣號佺廬湖北大冶人順治九年進士歷
官大學士

杜恆燦字杜若號蒼舒陝西三原人順治五年副貢生
注銓通判未仕卒有春樹草堂集 四庫全書總目恆
燦卒寧都魏禧表其墓關中李因篤爲作傳皆悼惜其
才春樹草堂集凡詩二卷文四卷塗乙縱橫猶當時原
稿中多代人之作蓋恆燦爲郎廷極賈漢復梁化鳳諸

人客畢生出入幕府中所作富贍有餘而多不修飾殆亦由於取辦倉猝也陝西通志恆燦八歲能文值寇亂家中落嘗走四方負米養親鄉試中副車遂入大學念老親家居食貧因策蹇南游時得巨公詩文及珍玩錦綺歸壽其親親大悅恆燦居京師與中翰吳煒交相得同訂觀文大社以振興古文爲志及煒使關中過焦穫復廣其社於邑中學古書院煒去恆燦主盟學者多宗之長安梁化鳳鎮崇明遣迎恆燦旣至化鳳以堤成出獵恆燦陪副乘卽事作平洋沙十章化鳳立命譜入鏡

顏氏尺牘姓氏考

士

海山仙館叢書

歌持千金起爲壽歡溢軍中尋遊楚滇復入吳久之歸性好客所居濱白渠南冠蓋車騎輻輳每酒酣耳熱潑墨揮毫無不厭所欲而去一夕盡焚所著書弟煇急起收之得詩文如千篇今所傳春樹草堂集也

孫枝蔚字豹人陝西三原人明諸生康熙十八年召試博學鴻詞特授中書舍人有澗堂前後續集 四庫

全書總目枝蔚於甲申闖賊亂時曾結里中少年殺賊失足墮坎中幸不死後至廣陵學賈三置千金旣而儻舍董相祠扁戶讀書在當時名甚重然詩本秦聲多激

壯之詞大抵如昔人評蘇軾詞銅將軍鐵棹板唱大江東去也陝西通志枝蔚性豪宕敦氣節博學工詩南遊吳下流寓邗關以詩酒自娛徧交吳越諸名宿筆床硯匣倡和無虛日爲詩沈雄奇古興至卽書不事雕飾而意致灑如其自命在韓杜蘇陸之間餘子不屑也名家詩鈔小傳豹人身長八尺龐眉廣額衣冠甚偉與尤晦菴初未識面一日晦菴集某公處豹人甫入門望見趨赴曰此孫先生耶吾固識之相與大笑流寓邗水築室數楹題曰漑園烹魚釜鬻隱然寓西歸之志嘗遊焦山

顏氏家尺牘氏考

士
海山仙館叢書

遇大風鼉作鯨吞獨從容扣船歌曰風起中流浪打舷秦人失色海雲邊也知賦命原窮薄尙欲西歸太華眠時人服其雅量居易錄豹人僑居揚州高不見之節子訪之先之以詩云焦穫奇人孫豹人新詩雅健出風塵王宏不見陶潛跡端木寧知原憲貧遂爲莫逆交乙己余入都豹人詩云欲問忘情老何名共命禽

應搗謙字嗣寅又字潛齋浙江錢塘人諸生康熙十八年薦舉博學鴻詞辭不赴有潛齋文集 四庫全書總目古樂書上卷論律呂本原大旨本蔡氏新書而參以

朱子及注疏之說下卷論樂器制度則本陳祥道禮書及李之藻泮宮禮樂疏者爲多雖未精博尙爲簡核浙江通志搗謙殫心理學窮極底蘊家甚貧環堵蕭然而弟子日益進立教惟以躬行實踐爲主以不自欺爲持身涉世之本於六經多所發明尤精於易嘗病世儒言易失之穿鑿歿後河陽巡撫趙士璧刻其性理儀封張伯行刻其潛齋文集行於世李集鶴徵錄先生之生有文在其手曰八卦左重耳右重瞳夕偕同志爲獨社取有所不爲也有欲試其所守藏妓館舍夜醉先生而歸

顏氏尺牘姓氏考

三

海山仙館叢書

之先生雒誦達旦卒不動同里姜御史圖南致饋不受一日遇途中方盛暑衣木棉衣投以越葛二端竟還之弟子甚多因以樓上樓下爲差如馬融例池北偶談徵士性至孝母病數年侍疾晝夜不懈母強爲娶婦終不入私室母卒逾祥禫始行合禭禮坐卧不下樓人字接梯者有周易應氏集解易學圖說書經蔡注拾遺詩傳翼禮學彙編春秋集解古樂書古今孝經辯論編註古本大學中庸本義語孟朱註大全拾遺較定文公家禮自傳無悶先生傳畧云學不適時不好禫不喜王陸家

言爲文章不詭合自怡悅而已密友多窮交終年不見
與日見無異足跡不出百里而泰華滇渤皆於書冊見
之生不逢古人而義農堯舜若接響聲也著書千萬言
人來觀者亦不吝云云精谷習中表子中表家於土
應體璧度璧俱搗謙子杭州府志禮璧禮琮從遊於陸
隴其克承其所學華英會論水自新兼

吳懋謙字六益號苧菴江蘇華亭人有華萃豫章虔州
苧菴諸集 四庫全書總目懋謙早從陳子龍李雯諸

人遊故力追七子之派稱詩多以漢魏盛唐爲宗然時

顏氏尺牘姓氏考

海山仙館叢書

有蹶張之失江南通志懋謙詩文與同里吳麒齊名有
雲間二吳之目生平多貴游所至名公鉅卿皆與結詩
社人以明七子中謝榛比之朱彝尊靜志居詩話六益
篤上之才託跡林臯荒茅層篠泥水自蔽雅多慷慨振
刷穠纖譎詭之習濟於和平之音與天寶大厯鴻烈兢
爽姜兆紳松江詩鈔懋謙名醫中秀子中秀家淨土橋
與董宗伯陳眉公遊乙酉被難懋謙負尸趨北郭洗血
葬之廬墓三載康熙間海內底定壇坫事興乃挾冊放
遊自荆豫齊晉嶺南薊北晚歸老郡城築別墅東門外

與白燕菴鄰比稱獨樹園年七十三卒門人私諡曰貞碩

吳農祥字慶百一字星叟浙江仁和人明中允太沖子諸生康熙十八年薦舉博學鴻詞有輿圖隸史彙考嘯臺讀史綠窻讀史錢邑志林梧園雜志唐詩辨疑詞苑古文詞就正稿宣齋南歸雲鴻流鑑嘯臺等集詩餘浙江通志農祥少異敏一覽成誦家有賜書鏤戶伏讀茹經涵史馳騁百家詩不下萬餘首爲文淹貫五經尤精於易與蕭山毛奇齡友善然質疑問難不肯苟同方婺

顏氏尺牘姓氏考

五

海山仙館叢書

如吳徵君傅徵君十許歲製芙蓉露下落賦其落句云一輩少年爭跋扈明公從此願躬耕旣長構樓於別業之梧園與弟農復登樓而去其梯戒不聞世上語盡發藏書讀之徵君之至京師也大學士馮公溥客之代舍時稱佳山堂六子六子者陳維崧毛奇齡吳任臣王嗣槐徐林鴻及徵君也徵君鳶肩揭鼻鶴頸指爪長三寸鬚鬢鬢頽然淵放得錢輒付酒家而識微見遠吳下人沿復社故態角爲尊奢而浙西讀書秋聲登樓乎社及慎交諸社爭立名字應之各欲引徵君徵君曰是載禍

見餉也諸君子忘東京鉤黨事乎不答書亦不發視其後天子果切齒諸爲社事者盡搜所刊錄摧燒之著授書吏一座盡傾久之辭去爲畫便宣數事文襄再拜曰哉君良箴吾曩日知君不盡乃以爲文士也袁枚隨園詩話先生乳哺時啞啞私語皆建文遜國之事年過十歲始不復言

席居中字允口遼東錦州人有昭代詩存卧石山房稿
林璐字鹿菴浙江錢塘人有歲寒堂存稿四庫全

顏氏尺牘姓氏考

天
海山仙館叢書

書總目璐安溪懷古序信建文出亡爲真殊爲未考所記顏允紹郭少尹等事皆足補史之闕特敘述稍冗耳蔣炯河間嚴太守家傳跋國初西泠諸子古文以鹿菴先生爲最所著歲寒堂存稿或譏刻畫太過時近小說家然其縱橫奇肆寫一人一事精神奕奕突出紙上純得子長之神自勺庭青門外未見耦也

杜濬字于皇晚號茶村老人初名詔先湖廣黃岡人

明國子助教祝進子副貢生甲申後流寓金陵有變雅堂集江南通志濬僑居白下以詩名自景陵鍾氏譚氏

矯王李規摹漢魏之習流而入於淺薄獨濬不染楚風
時有莆田余懷字澹心子賓碩鴻客居金陵皆以詞翰
知名名家詩鈔小傳茶村以明經貢入太學與余澹心
白仲調齊名南雍角藝兩司成品題甲乙無出三人右
者一時有魚肚白之目乃金陵市語染房中名色也居
易錄于皇客揚州人日大雪無事巾車造之論詩竟日
樵蘇不爨茶話而已乙巳七夕予赴京師于皇詩云記
逢人日雪造我唵窮愁

吳綺字園次江蘇江都人選貢生薦授秘書院中書舍

顏氏尺牘姓氏考

七
海山仙館叢書

人歷官湖州府知府有林蕙堂集亭臯集記紅集宋金
元詩永嶺南風物記 四庫全書總目 國初以四六
名者推綺及陳維崧二人均原出徐庾維崧泛濫於初
唐四傑以雄博見長綺則出入於樊南諸集以秀逸擅
勝章藻功與友人論四六書吳園次班香宋艷接僅短
兵陳其年陸海潘江末猶強弩其論頗公然異曲同工
未易定其甲乙輒以花木爲潤筆因名其圃曰種字林
與名士爲春江花月社名家詩鈔小傳綺奉 詔譜楊
椒山樂府大加稱賞遷武選司員外蓋卽以椒山原官

官之寵異至矣已由工部郎出知湖州府多惠政不畏
疆禦湖州人德之號爲三風太守謂多風力尙風節饒
風雅也所作填詞小令兒童婦女皆能習之有昆陵女
子曰誦其把酒問東風種出雙紅豆以爲秦七黃九復
出故又號紅豆詞人云王暉今世說園次官湖州守爲
治簡靜放衙散帙蕭然雜誦繩床斐几燈火青熒吏人
從屏戶窺之不辨其爲二千石也喜與賓客遊四方名
士過從無虛日卒以此罷官陳維崧三芝集序園次之
守湖州也擒治豪猾不受請託要人不喜也因其招接

顏氏尺牘姓氏考

大

海山仙館叢書

名流遊識日多以是中之旣罷官儼居吳門刻其詩又
詮次其三子之詩曰三芝集

姜梗字鐵夫又字桐柏浙江會稽人有曹山草堂飯犢
居等集陶元藻鳧亭詩話青山吟謝眺紅燭寫莊騷予
鄉姜鐵夫句漁洋極賞之然猶著色不如其美人五湖
去夕陽鳥飛還之句淡而彌旨阮元兩浙輶軒錄飯犢
居樂府五古直溯上游五七律雄渾中時見流麗落照
云片帆投浦疾獨鳥背城飛曹山云樵徑漸移殘照外
人家多在石溪邊耐人吟誦

盧元昌字文子自號半林居士江蘇華亭人諸生有杜詩闡唐宋八家文選思美廬半林稿鼓離稿江南通志元昌著述有盛名詩學杜陵操選政數十年以壽終姜兆狝漱芳齋詩話半林初在彭燕又社中與王伊人顧見山等俱爲詩中翹楚嘗自言少時夢至一所高絕雲表有榜曰離塵樓因吟曰草花喧晝夢螢火暗秋燈醒而恐濩落之識至後果然

紀映鍾字伯紫一字蘂子號蕙叟自稱鍾山野老江蘇上元人明諸生有真冷堂詩名家詩鈔小傳伯紫少與

顏氏尺牘姓氏考

九

海山仙館叢書

廬江龔宗伯友善宗伯旣貴招至京華下榻焉歲且十稔此外未嘗輕謁一人輕投一刺如天半朱霞可望而不可卽池北偶談金陵紀青字竺遠能詩少爲諸生棄去入天台國清寺爲僧久之復舍去其子映鍾女映淮徐鉉續本事詩伯紫與方文林古度齊名白髮當歌紅牙聽曲說天台舊事媿媿不倦

丁澎字飛濤號藥園浙江仁和人順治十二年進士歷官禮部郎中有扶荔堂詩浙江通志澎罷歸不問戶外事而自娛於文工爲詩頓挫清壯有沈鬱之思康熙

癸亥葺浙江通志實董其事云林瑤丁藥園外傳藥園
工詩賦及古文詞自少年未達時卽名播江左其後仲
弟景鴻季弟潏皆以詩名世目之曰三丁兩浙輶軒錄
云冊立西宮念無嫺典禮者調入東省兼主客貢使
至驛廉知丁持紫貂銀鼠美玉象犀從吏人易其詩歸
國少有白鳳樓詩吳下女士爭相採撫以畫衫袖後以
事牽累謫塞上者五載卜居東岡躬自飯牛暇卽乘牛
車手周易吟誦自若所作諸詩語多忠愛無怨怍之意
則其所養又可知矣感舊集補傳吳錦雯百朋與柴虎

顏氏尺牘姓氏考

三
海山仙館叢書

臣紹炳陳際叔廷會張宇台洽張祖望綱孫沈去矜謙
毛稚黃先舒丁飛濤澎虞景明黃昊陸麗京圻諸人齊
名當時稱之爲西冷十子云
張彥之一名慤字洮侯又字峭巖江蘇華亭人明詩綜
洮侯爲人寬博無同異其詩莽蒼不事繩尺質本景純
而臻於嗣宗松江詩鈔洮侯幼與弟漢度几苟有三張
之目初王屋讀書山在細林與陳徵君白石山莊相望
後洮侯盡斥其田宅卽細林別業亦讓其弟漢度而隱
於窮巷茅舍取遺書讀之托於酒狂以自廢

范鄙鼎字彪山西洪洞人康熙六年進士十八年薦舉博學鴻詞辭不赴有理學備考五經堂文集語錄續垂棘篇四庫全書總目各體雜文本名草草草文格酷摹尙書雖本之夏侯元昆弟誥然未免太近游戲語錄乃其子翻搜輯諸刻書中鄙鼎評識之語又鄙鼎父芸茂嘗選輯山西之文二十卷題曰晉國垂棘鄙鼎復取其鄉近人之文依例彙輯謂之續垂棘篇前後四集居易錄彪西養親不仕隱居師曠故里講洛閩之學河汾間人多從授經以博學鴻詞薦不出人益仰重之

顏氏尺牘姓氏考

主 海山仙館叢書

王曰高字鑿茲又字登孺號北山山東茌平人順治十五年進士歷官給事中有槐軒詩文集山東通志曰高幼有神童之譽在諫垣十有七年多所建白癸卯典江南試得兩鼎甲五尙書三大學士可稱得人之盛

史鶴齡字子脩號菊裳江蘇溧陽人康熙六年進士官編修池北偶談翰林官直講禁中先在宏德殿後

移於乾清宮大抵掌院學士一員翰林官一員惟戊

午陳廷敬葉芳藹日講而上幸南海子葉偶病以張英

代之後葉病愈入直遂三員同直講史鶴齡以編修歸

歿於家特賜祭奠其恩禮非外庭所敢望
吳正治字當世號廣菴安徽休寧人湖北漢陽籍順治
六年進士歷官大學士加太子太傅謚文僖江南通志
正治以直講出補江西參政轉陝西按察使所至以清
廉執法著內擢工部侍郎轉刑部諸所條議赦令宜急
行文量宜停止禁狀外指扳嚴婦女私嫁免逆人十家
連坐及收旗丁月錢皆著爲令晉禮部尙書武英殿大
學士守成法持大體以病致仕

屠粹忠字純甫號芝巘浙江定海人順治十五年進士

顏氏尺牘姓氏考

三 海山仙館叢書

歷官兵部尙書有采芝堂詩兩浙輶軒錄粹忠謁選得
封邱知縣遭河患城垣廬舍傾圮前率令艤舟河干蒞
事粹忠誅茅立官署置草舍棲流亡修築城垣不兩月
諸務畢舉以最遷給事中江南巡撫議題州縣外補粹
忠言爵賞宜從中出余金 熙朝新語粹忠垂髫時讀
書里中董氏大書戊戌成名四字於壁間後果中順治
戊戌進士 聖祖以粹忠老年矍鑠 御書脩齡堂扁
額賜之又賜 御臨趙孟頫行書曰白鹿城頭百萬兵
碧油幢下一書生如今始識爲儒貴卧聽元戎報五更

李日景字方山山東歷城人有訂醉筆堂三十六卷今世說方山客南昌有傳宋荔裳死者特爲詩弔之與宋初未識也後至武林聞宋尙無恙喜甚借友人馬疾馳相視且出詩讀之兩人相與泣下沾襟已命酒狂飲極歡策馬而去

趙崙字閻仙號叔公山東萊陽人順治十五年進士歷官太常寺少卿以事謫瀋陽卒戍所有因樹屋集松江詩鈔松自奏銷望悞後裁減科舉及童子額類皆有勢力者得之公屏絕苞苴禁止竿牘歲科得士類皆孤寒

顏氏尺牘姓氏考

三
海山仙館叢書

郡士作爲詩歌以揚休姜某窠爲一冊付之梓人

鄭 簠字汝器號谷口福建莆田人宋琬贈鄭汝器歌註曰莆田宋珏善八分鄭之師也田雯詩山蘊書屋四大字一字直可價千緡朱彝尊詩邇來孟津數王鐸流傳恨少無人披太原傳山最奇岫魚頑鷹峙勢不羈臨清周之恆委曲也得宜勾吳顧苓粵譚漢暨欽程燧名相持未若簠也下筆兼經奇緜烟雲飛欲去屹如柱礎立不移或如鳥驚墮羽翮或如龍怒撐之而箕張昂萃各異狀屏幃大小隨所施

翁叔元字寶林又字靜卿號鐵菴直隸永平籍江蘇常熟人康熙十五年進士第三人及第歷官刑部尚書有鐵菴文稿梵園詩集韓葵有懷堂文集叔元母夫人娠夢神人授以旃檀初名旃字寶林甫離襁褓執父喪如成人就傅卽自力於學未第時文章滿海內館試第一尋主山東試拔舉世持等皆名選也所居官必舉其職才無不可皆以實心達之性和平寬厚而義理所在亦屹不可奪在史館每奏一篇上皆稱善國子生徒例有贄公到卽謝絕且疏請復積分之法令諸生習禮肅

顏氏尺牘姓氏考

海山仙館叢書

觀聽嚴懲不率頗採施行而積分之議竟寢尋定期朔望釋菜禮六館之士咸彬彬焉銓曹弊藪釐革晝然嘗試州同知以下請以掣籤爲等差工部歲發柴炭值八萬金多侵耗每豫探支時方二十七年所司具稿將給二十九年之半公計所虛耗約十萬每歲少給二萬至五年其數悉償部例每興一工先計其值上之名曰料估工完多冒破所司慮任怨不敢以聞有十年不銷算者大工至四十三案公請六部舉司官各二人分董其役甫半載積案一清往在工部者視爲畏途如傳舍惟望

速轉調貽禍後人公在部裁一年不滯一案曰莫非王
事不敢告勞也在刑部聞銀鐺叫號聲輒慘戚嘗語叅
州縣奏當之成吾固知多寃然率周內不可破概駁徒
致株連久繫容更有瘦死者可奈何急於報德不匿怨
在翰林爲某院長排擊後某董下河之役赴部銷算畏
公啖以利公却之不苟覈也某御史徧劾京朝官且及
其子公微言於衆曰仁人所弗忍也御史呼公名辱詈
之將并劾公無何坐規避事當送刑部公獨不署名曰
罪止革耳無可加遂免

顏氏尺牘姓氏考

五

海山仙館叢書

高層雲字二鮑又字謾苑號菰村江蘇華亭人明檢討
承柞孫康熙十五年進士十八年薦舉博學鴻詞歷官
太常寺少卿有改蟲齋詩略詞略徐乾學高公神道碑
君爲給事時 文皇后上賓 詔集議喪禮諸親王郡
王環坐閣臣向前白其議長跪移時武定李公年老起
卽跽仆君抗章謂集議國政異時無弗列坐者今議國
喪非大臣致敬之地亦非諸王踞受之時閣臣固當自
重諸王亦不可倨慢失藩臣守謙之義書奏皆爲頸縮
而 天子用君言令後凡見諸王不得引身長跪著爲

令又江淮間議行屯田事民大擾君請急停以甦民困
上嘉納之高士奇韻竹軒侍值詩畫橋西望水中亭疑
有魚龍出北濱領略瀛洲舊蹤跡十年墨藩在雲屏自
註歲戊辰層雲兄奉勅畫屏風四幅今尚在澹寧居

御座側

梁清標字玉立號蒼巖又號蕉林直隸正定人明崇禎
十六年進士國朝歷官大學士祀鄉賢有蕉林詩集
畿輔通志畿輔告賑清標巡歷保陽諸州縣殫心察覈
人沾實惠上謂侍臣曰梁尙書不愧大臣矩度有武

顏氏尺牘姓氏考

美
海山仙館叢書

林斥生誣首逆案叩闕意在婪詐株連甚衆清標訊得
其情立置諸法保全無算康熙九年撤南國諸藩清標
奉命之廣東移尙可喜家口兵衆洶湧民多竄匿清
標鎮靜以安人心得無變會朝命止可喜行清標復
命之日上深嘉歡二十一年夏大旱上問諸臣

弭災之方清標以省刑對上嘉納之居易錄公精賞

鑒蒐羅金石文字書畫鼎彝之屬甲於海內領袖詞林

數十年風流宏獎巍然爲鉅人長德家世翔貴甲河朔

曾祖夢龍明吏部尙書諡貞敏兄清寬吏部侍郎從兄

清遠吏部侍郎公亦以吏部侍郎拜兵部尙書祖孫兄弟四人入吏部前後相望縉紳榮之

巖 沆字子餐號顥亭浙江餘杭人順治十二年進士
歷官戶部侍郎有古秋堂燕臺顥亭等集浙江通志沆
典試山東故事 聖裔無舉者四氏子不得獨雋疏請
歲舉二人著爲令擢給事中請解有司被參之任杜督
撫委卸之端職官之選不得在籍候憑任倉場侍郎軍
興孔棘通羸絀剔侵漁進不輒衆退不廢公歲省金錢
二萬餘碧溪詩話顥亭先生爲詡公諱武順之子築室

顏氏尺牘姓氏考

三
海山仙館叢書

武林東坡以奉母謂之臯園中有清較樓藏書萬卷又
有丁公池先賢故址也諸子分居省城康熙中同日被
火先生文集遂無孑遺又曰顥亭詩選與丁飛濤合編
者久已刊行其北行日紀一冊乃手稿未傳於世查羲
選佛詩傳先生能詩善畫嘗爲稽留山作留山堂圖五
越月始成

勞之辨字書升號介巖浙江石門人康熙三年進士歷
官副都御史有靜觀堂詩兩浙輶軒錄介巖官副都時
謁誠獻替知無不言歲戊子江浙米價騰踊疏請嚴海

禁價得漸平又各省截漕照太倉額缺議以半銀半米給兵糧京師億萬戶賴兵餘米以養疏請照舊給發兵民賴之

董 訥字茲重號默菴山東平原人康熙六年進士第
三人及第歷官兵部尙書有督漕疏草柳村詩集山東
通志訥督學順天士風整肅遷左都御史論議持大體
清理庶獄多所平反總督兩江兵民安輯新屯蠹政奏
罷之復督漕運設易知小單剔奸釐弊備極其法政務
肅清爲人峭直沈雄不以難易回屈及歸田後立族社

顏氏尺牘姓氏考

天

海山仙館叢書

設祭田一遵家法平原縣志康熙四十一年 聖祖南
巡駐蹕柳村之南樓 御書眷念舊勞四字命懸墓上
又詢其詩集子吏部思凝繕呈留覽其始終顧遇如此
王士正古夫于亭雜錄默庵以御史大夫改江南江西
總督有某御史造之甫就坐大哭不已董爲改動舉座
訝之某出造大治余佯廬相國入門揖起卽大笑余驚
問之對曰董某去矣拔去眼中釘也

喬 萊字子靜號石林江蘇寶應人康熙六年進士官
主事十八年 召試博學鴻詞改編修歷官侍讀有喬

氏易侯寶應志使粵南歸詩文等集四庫全書總目
易侯前列諸圖不取陳搏之說於卦變亦不取虞翻諸
家之說而取來知德之反對其解經多推求人事證以
史文蓋李光楊萬里之支流也江南通志奏濬海口瀉
積水總河御史上言疏海口則引潮內侵大不便請於
邵伯高郵間置牯洩水復築長堤抵海口以東所洩之
水使水勢高於海口則趨潮自迅適萊入直召問力
陳不可議遂寢未幾中蜚語罷復召卒於官里

何觀山東荷澤人康熙六年進士官內閣中書祀鄉

顏氏尺牘姓氏考

完

海山仙館叢書

賢山東通志觀至性純孝年十二以父殉兵難欲解帶
自縊門客李采賓勸以宗嗣大義且父柩在千里外理
宜歸葬乃號泣扶襯奉母歸雖干戈搶攘中卒得保全
無恙居母喪哀毀骨立情禮兼盡分校順天己卯鄉試
矢公矢慎加意搜羅所得皆一時名宿
孫光祀字湖玉號忤庭山東平陰人順治十二年進士
歷官兵部侍郎祀鄉賢有膽餘軒集山東通志光祀好
讀書尚氣節在諫垣疏凡二十餘所陳皆切要其不下
部議而逕行者亦有之歸田歲大祲出粟五百石以賑

全活無算至如睦族黨周貧乏設義學建橋梁懿行班班又其餘事魏希徵序先生爲孝廉時遶鄉里之難銜父兄大警志氣精誠貫日月而泣鬼神卒申大義於天下孫司馬小傳順治丁酉典湖廣試得士一百六人捷南宮者六十四稱爲盛事

陸祚蕃榜名印蕃字子振號武園浙江平湖人康熙十二年進士歷官貴州貴東道有粵西偶記八四庫全書總目偶記多述其督學廣西時道路險阻之苦及爲守土有司所不禮事大抵瑣屑細碎不足記錄

顏氏尺牘姓氏考

三

海山仙館叢書

周襄緒浙江山陰人貢生官禮部朱彝尊有雪霽同周儀部襄緒對酒康山詩

陸棻字次友號義山原名世枋浙江平湖人以國學生試高等官至宏文院典籍康熙六年進士十八年召試博學鴻詞改編修歷官內閣學士兼禮部侍郎有雅坪集歷朝賦格四庫全書總目棻彙選歷代賦分爲三格曰文賦騷賦駢賦三格中又分五類曰天文地理人事帝治物類每格前各有小引浙江通志棻儔直南書房出五臺金蓮花限韻賦詩立奏試以豐澤園賦

理學真偽論 上親閱卷取第一 熙朝新語彙九歲

時值鼎革其父爲馬將軍所獲彙伏草中躍出求代父死將軍愛其文秀以扇示之曰兒能讀扇上詩卽赦汝父彙朗誦曰收兵四解降王縛教子三登上將臺此宋人贈曹武惠王詩也將軍不殺人卽今武惠王矣將軍大喜釋其父乞爲己子彙哭別其父後將軍死得脫歸譚吉璉字舟石號潔園自稱小譚大夫浙江嘉興人明太僕卿昌言孫以監生試第一授宏文院中書舍人薦舉博學鴻詞歷官登州知府有延綬志肅松錄爾雅綱

顏氏尺牘姓氏考

三

海山仙館叢書

目歷代武舉考嘉樹堂集鴛鴦湖擢歌浙江通志吉璉由內閣中書遷榆林同知會滇蜀用兵上官檄轉餉入蜀至寧羗州遇亂撫軍徹餉還棧道路絕吉璉間道從黑水峪七晝夜達盭屋定邊副將朱龍叛直逼波羅堡榆林道高光祉問計安出吉璉具畫利害狀光祉是之聚士民誓神死守編什伍明號令製幡書障而守吉璉間出私財以饗士而自宿城上衆賴以安綏德周繼明聚衆數千人入神木與叛將孫崇雅合迎陷延安榆兵迎戰不利城中偶語藉藉多欲出降光祉夜呼吉璉曰

事急矣鎖兵疲不足仗奈何吉璉奮髯大呼曰死譚吉璉分也出諭士民曰忠臣我與高公爲之豈責若輩死然賊一入城子女玉帛皆賊有且若輩今日降明日大軍至無噍類矣衆泣拜曰公言是光社出千金吉璉益數百金間道渡河買粟於保德河曲以兵突圍衛之人心始堅榆林旣解嚴響水清平鎮羅諸堡猶爲賊保聚吉璉單騎諭降之馳至神木檄崇雅繼明曉以禍福崇雅繼明亦以衆降陝西通志康熙十四年朱龍叛璉與副使高光社總兵許占魁進剿制府上其功賜忠蓋

顏氏尺牘姓氏考

三

海山仙館叢書

可嘉額以榮之榆林古上郡地明代因寇患始爲重鎮良將勁旅星羅碁布而鎖志未立一切方畧制度但錯見陝志中限於尺幅不能詳也璉苦心搜訪逐類編輯東西千八百里凡一名一物無不訂正是非敘述本末志乘之精詳未有如延綏鎮者朱彝尊小譚大夫墓志南京不守大夫從父母轉徙道遇寇父被傷力以身蔽寇拔刃傷之不動鎗擊其首寇曰孝子也舍之父病歿家人三十口留亂軍中斗米三千錢卒全活扶父匱還構李詩繫吉璉除登州守之任一年以哭子卒璉好撰

述惜其無後

李楷字叔則號岸翁陝西朝邑人明天啓甲子舉人

國朝官寶應知縣有河濱全書陝西通志楷少聰慧嗜古學讀書朝萊山遇異人馬顛仙謂當以文章名世嘗築樓高數丈許屏居其上命書估日送圖史手自評隲學殖日富居易錄朝邑李瓚以其父岸翁遺墨求跋岸翁爲寶應縣高才凌物爲忌者所中罷官關中名士孛生平交善者如三原孫枝蔚韓詩華陰王宏撰富平李因篤邵陽王又旦富平曹玉珂皆一時人豪要以岸翁

顏氏尺牘姓氏考

三

海山仙館叢書

爲冠 國初知寶應縣改隸淮郡楷力請歸揚得罷解草米各項歲省民財萬計政暇則訪古選勝題詠殆遍解官後流寓廣陵與江西李明睿著二李珏書久之歸里值制府修志延至會城郊迎之長揖上座縱飲揮毫當時咸屬目尤工書畫芻及釋典道藏

李嗣真字愿中號樸庵山東新城人康熙六年進士有

嶰堂草

呂繇 侯考

譚吉瑄字左羽登州太守吉聰弟康熙乙酉舉人歷官

給事中朱彝尊五經進士譚先生墓表先生諱貞良字元孩南京不守浮舟於泲達會稽由臨海抵福州以戎子卒於漳州之瑄溪庚寅子吉璉扶柩歸里甲辰次子瑄等始卜兆府城西北二生墟戴璠藤陰雜記竹垞己未同徐檢討鈿移寓虎坊橋輯瀛洲道古錄查他山別譚邵諫瑄詩宜武門東舊宅虎坊橋畔憑欄可惜手栽紅杏花開又讓人看

黃垺字子厚號徵庵又號白鶴峪處士山東卽墨人康熙二年舉人有夕霏亭詩李象先夕霏亭集徵庵舉於

顏氏尺牘姓氏考

三
海山仙館叢書

鄉一時同榜皆談制義短長離合徵庵獨默坐沉思衆訊所以答曰此地有水鄉亭北渚亭李北海晁太常讌賞地又辛稼軒李滄溟家焉吾方憶兩公踞青雀舫湖光蕩漾文思競發爲詩爲詞足可寄託不暇他及也黃敬璣字在之號屺雲山東濟寧人曲阜籍順治四年進士歷官雲南道御史濟寧州志敬璣授安慶推官廣置學田贍士山賊竊發單騎撫降之行取御史州有應解臨清德州二倉米往往派之里下民以爲苦敬璣請留州支放至今便之典試江南名士袁孟義薛坦賈曾

陸壽名顧鼎新等皆出其門旋以終養歸與黃維祺立敬社集譽髦分題校藝其時科名蟬聯皆藉造就之功也

東野雲鵬字九萬山東曲阜人世襲廩生魯公伯禽季子公子魚之七十三世孫以子沛然官五經博士勅封修職郎東野家譜順治七年祖廟摧殘請於邑侯重脩之居恆和睦族姓勤儉持家晚年優游自娛五世同堂遞見曾元孔尙任出山異數記康熙甲子東巡東野沛然掖其父扶杖跪道左手捧奏疏乞爲世官奉先

顏氏尺牘姓氏考

三
海山仙館叢書

祀如四氏例 上曰周公姬姓爾姓東野何也沛然奏曰昔伯禽季子名魚食采於東野因以爲氏 上問周公廟何在沛然指奏曰東望高阜松柏鬱然者卽魯公世廟也 上爲引領又顧扶杖者曰此老者何人沛然奏曰臣父東野雲鵬年七十有五又問爾族衆幾何奏曰丁不滿百 上覽疏訖付侍衛交部卽議

魏煜如字孟宣山東曲阜人歲貢生歷官金縣知縣曲阜縣志煜如由武城訓導累遷金縣令剔奸弊杜侵漁斷獄平允人吏畏服

顧炎武一名絳字甯人號亭林江蘇崑山人明諸生薦
兵部司務再薦職方主事皆不就天下郡國利病書
日知錄音論詩本音易音唐韻正古音表吳才老韻補
正左傳杜解補正九經誤字石經考金石文字記文集
詩集昌平山水記肇域記二十一史年表歷代宅京記
等書蘇州府志炎武生稟異質自幼篤志古學九經諸
史皆能背誦見時多故遂屏去山中備求經世之學明
亡絕意仕進壯游齊魯燕趙西入關中所至交其賢豪
長者考其山川風俗古今治亂之迹證以金石碑碣自
之目學者稱亭林先生

顏氏尺牘姓氏考

三
海山仙館叢書

是聞見益廣凡所論述皆上下古今貫穿精覈當代推
爲通儒性耿介絕俗少與同邑歸莊齊名有歸奇顧怪
李因篤字子德又字天生陝西富平籍山西洪洞人明
諸生康熙十八年召試博學鴻詞官檢討有受祺堂
文集詩集廣韻正漢詩評四庫全書總目顧炎武作
音學五書特載與因篤一札蓋頗重之闔若璩作潛邱
劄記則云杜造故事莫過李天生然所謂杜造者今不
可考則姑存其說矣因篤詩意氣蒼莽才力富贍而亢

厲之氣一往無前失於粗豪者時時有之殆所謂利鈍
五陳者歟陝西通志因篤年十一爲邑諸生丁明季之
亂謝去肆力爲古文辭長於詩歌嘗遊長安倣少陵作
秋興詩八首見者多擊節時往來秦晉間過從悉知名
士授檢討未滿月卽乞終養疏凡三十七上始允歸抵
家後寢食湯藥每事躬親越五年母歿遂不復仕性敏
絕博極羣書又好汲引後學問字者無虛日或有過必
婉詞規勉未嘗以聲色加人顧炎武嘗集杜句題贈云
文章來國士忠厚與鄉人蓋實錄也池北偶談天生年

顏氏尺牘姓氏考

三

海山仙館叢書

三十棄諸生博學彊記十三經注疏尤極貫穿長律得
少陵家法

宋琬字玉叔號荔裳山東萊陽人順治四年進士歷官
四川按察使有安雅堂集山東通志琬授戶部主事監
督江南蕪湖關潔已恤商歲額轉逾於舊遷吏部在司
兩月選人無滯抑之歎出爲隴西道值地震後修築城
垣瘞屍賑粥生全者無數隨督隴西學政清慎公明號
稱得士歷永平兵備及甯紹台道軍民感戴其德尋陞
四川按察使其居家尤敦孝友虛懷下士樂爲薦揚詩

古文辭盛名滿於天下名家詩鈔小傳玉叔少負異才
風格道上十八九時卽以詩古文辭屈其曹偶壯歲成
進士晉兩浙憲長族不逞子以夙憾飛章告密逮入對
簿一門咸就繫羈西曹久之事得白自傷非常奇禍起
於骨肉之間躡險騎危僅而獲免遂流寓吳越居無何
天子察其寃抑起補蜀臬池北偶談荔裳浙江後詩
頗擬放翁五言歌行時闖李杜之奧壬子春予定其詩
筆爲三十卷明年宋以臬使入 覲蜀亂妻孥皆寄成
都宋鬱鬱歿於京邸此集不知流落何地矣

顏氏尺牘姓氏考

美 海山仙館叢書

施閨章字尙白一字岷雲號愚山晚號矩齋安徽宣城
人順治六年進士歷官江西道參議康熙十八年 召
試博學鴻詞改侍講轉侍讀祀名宦有學餘堂文集詩
集外集 四庫全書總目閨章嘗謂王士正詩如華嚴
樓閣彈指卽見而已詩如餽鑿木石從平地築起然其
深穩亦在此其文具有歐會法魏禧爲作集序以爲文
勝於詩則過也江南通志閨章博綜羣籍善詩古文詞
爲刑部員外讞決明敏督學山左有水鑑之譽轉湖西
道參議湖西故荒瘠多盜閨章撫綏有方袁臨間稱爲

施佛子性仁孝廣置義田以贍宗戚篤窮交厲後學人咸奉爲楷模山左通志閨章任提學僉事以名教自任開講明湖之上其校文研精理法擷華采實各當其可而諄諄提命者惟以孝弟廉恥爲防閑東省士風歸醇反樸者閨章陶淑激勸之力也名家詩鈔小傳向白分守湖西所轄吉臨袁三州兵馬蹂躪之餘邑多逋賦追呼急輒相聚爲盜作勸民急公歌垂泣諭之作彈子嶺竹源坑諸篇以告長吏讀者感泣比諸元道州之春凌行而民亦相勸輸賦毋敢後又數平反冤獄案牘益簡

顏氏尺牘姓氏考

五

海山仙館叢書

每高春一視事築愚亭官廨之旁暇則與過客觴詠其中無何以裁缺歸臨江故有江清可以鑿句民曰是江如使君清因名使君江至是民送之江上不能別復送至湖會湖漲所乘舟爲御史贈物輕不能渡民爭買石膏填之已渡乏食賣其舟而歸池北偶談愚山少孤事叔譽至孝一日值叔誕辰大集親戚而叔以小故忤意堅卧不起愚山跪榻前移晷辛亥客都門每憶叔輒涕泗事叔如此古人所希有也

朱彝尊字錫鬯號竹垞晚號小長蘆釣客魚師又號金

風亭長浙江秀水人明太傅文恪公國祚曾孫康熙十八年召試博學鴻詞官檢討有經義考曝書亭集日下舊聞明詩綜詞綜鹽菴志四庫全書總目王士正工詩而疎於文汪琬工文而疎於詩閭若璩毛奇齡工於考證而詩文皆次乘獨彝尊事事皆工雖未必凌跨諸人而兼有諸人之勝核其著作實不愧一代之詞宗浙江通志彝尊少聰慧絕人書過眼覆誦不遺一字客遊南北必橐載十三經廿一史以自隨歸里後數年駕巡河上賜御書四字曰研經博物名家詩鈔小傳

顏氏尺牘姓氏考

單 海山仙館叢書

竹垞少工舉業下筆千言崇正十年浙東西大飢朱氏自文恪公以宰輔歸里無中人產至是絕粒歎曰河北盜賊中朝朋黨亂將作矣何以時文爲不如舍之乃肆力於三禮左氏內外傳楚詞文選丹元子步天歌人皆笑以爲狂年十七作贅壻於嘉興馮氏馮公有客王鹿柴者華亭名宿也一見大奇之曰此必以詩名世梅里詩輯先生居節廉橋時值歲凶比隣王氏有老僕訝其日午無炊烟而書聲琅琅不輟因叩門餽以豆粥先生以奉安度先生而恐飢讀書自若盛百二袖堂筆談先

生集里中王翊周質繆泳沈進李繩良年符爲詩課時
貧甚餘一布袍繩良兄弟祇一偏提每會則付質庫兩
家內閩各紡績出之後會復然南踰五嶺北去雲朔東
泛滄海登之罘凡叢石荒塚金石斷缺之文莫不搜剔
考證與史傳參互同異其爲文章益奇嘗謂孔門弟子
中黨薛邦後人不當以疑似妄爲廢斥鄭康成功存箋
疏不當因程敏政一言遽罷從祀王守仁事功人品炳
烈千古不得指爲異學皆有闢名教之大者 熙朝新
語彙尊典江南省試拜 命之日卽不見客將渡江誓

顏氏尺牘姓氏考

聖 海山仙館叢書

於神試畢人京載書滿麓而已盜劫其居得錢二千白
金不及一鏹已靡覆不發矣後以吏議當落職 特宥
之僅左遷焉性嗜酒嘗與高念祖同人都日暮泊舟輒
失朱所在迹之已闌入酒肆玉山頽矣

潘 耒字次耕號稼堂江蘇吳江人康熙十八年 召

試博學鴻詞官檢討有類音遂初堂集 四庫全書總

目耒性好游名山足迹甚廣其詩不事雕飾直抒所見

古文蹊徑較平稍遜魏禧諸人而氣體渾厚空所依傍

則又耒所獨得也少受業於顧炎武頗得其傳蘇州府

志末纂脩明史以史事重大上四議總裁然其說令專
撰食貨志兼訂定他紀傳後二年甄別議起忌者坐以
浮躁降調四十二年 上南巡復未官大學士陳廷敬
欲薦起之力辭而止名家詩鈔小傳未兄樾章字力田
負奇才鼎革後銳意欲以史事自任破產購有明一代
實錄復彙搜名家文集奏疏數千卷懷紙吮墨矻矻窮
年書未成而遭溇溪之難坐極刑死稼堂以孱童遇慘
酷幾無生理惟奮志讀書元宗名世己未公卿論薦鴻
博以布衣進左遷拂衣歸所編詩以游草名自少游近

顏氏尺牘姓氏考

望
海山仙館叢書

游以及海岱台蕩黃廬閩豫楚粵等編外而玉堂之作
則曰夢游晚歲林居諸什則曰退游

毛先舒原名騷以字行又字雅黃亦字馳黃浙江仁和人
有鍼心慎鈔唐韻四聲表詞韻南曲韻毛馳黃集詩
辨坻南唐拾遺記 四庫全書總目先舒有聲韻叢說
又有渙書八卷頗多攷證之文而不能皆有根據其議
禮尤多臆斷論韻諸書用力較深亦未究其本原如謂
音當分古今不分南北則是謂古三聲不通用則非又
有思古堂集四卷自以晚年定本用爲弁冕然所見與

早年華也又有東苑文鈔三卷附會穿鑿詩鈔一卷音調瀏亮猶有七子餘風又有小匡文鈔四卷自序曰文皆小有所匡又謂求契於天心懷其意久而後落筆今觀所錄之文大抵以口舌相辨難不足爲訓又有藥雲集一卷皆所作豔體取古織錦詞藥亂雲盤相間深此意欲傳傳不得語也晚唱一卷摹李商隱李賀溫庭筠韓偓四家以別於初盛之格浙江通志先舒六歲能辨四聲八歲能著白榆堂詩與陸圻張綱孫諸人唱和稱兩冷十子山陰劉宗周講學戢山遂往執贄問性命之

顏氏尺牘姓氏考

聖

海山仙館叢書

學事父母色養備至遇有疾告廟請代于從父昆弟及族里皆厚遇之嘗輯宋儒語有裨實行者題曰鍼心慎鈔用以自砭兩浙輶軒錄先生少出陳卧子之門廣羅羣籍無不周覽與西河鶴舫齊名時人爲之語曰浙中三毛文中三豪非虛譽也蘇轍陸游雲盤卧間瀟灑余懷字無懷號澹心福建閩縣人有曼翁文集秋雪詞研山草堂詩板橋雜記四庫全書總目明太祖設官伎於南京相沿謂之舊院此外又有珠市亦名倡所居明季士氣儂薄雖兵戈日警而歌舞彌增懷此書追述

見聞上卷爲雅游中卷爲麗品下卷爲軼事文章悽縵
足以導欲增悲亦唐人北里志之類

王士祿字子底號西樵山東新城人順治九年進士歷
官吏部員外有讀史蒙拾表餘堂十笏草堂辛甲上浮
諸集炊聞扈語詞施閨章王君墓碑君典河南解試故
事有司繩尺取熟輒穩順不敢涉古人一字謂之中式
公獨摘藟一變其卑弱又以不通所司貴人人或惡之
撫拾下吏具三木賴叔弟士祐殫力橐餽得不死卽家
居會朝議還主司罣誤者官復起補攷功員外郎而

顏氏尺牘姓氏考

海山仙館叢書

季氏入爲禮部遷戶部接邸聯騎文采照耀天下目之
新城二王朱彝尊考功集序子底以考功郎被謫喜溢
顏面將歸養而母夫人逝躄踴而哭水漿不人口三日
旣歸血漬於繆幕之上衣不解帶蟣蝨盡生未練而卒
鄉人謚曰節孝先生

王士祐字叔子一字子側號東亭士祿弟康熙九年進
士有古鉢集計東廣說鈴子同年王子側居西樵阮亭
間才堪頡頏予與鄧孝威宗鶴問偕子側遊茗雪子側
詩援筆立成多見警拔同人每相太息曰濟南二王才

固奇亦以早貴聲譽先布子側才何嘗肯作蜂腰哉
王士正字貽上號阮亭別號漁洋山人士祿季弟順治
十三年進士歷官刑部尙書有帶經堂集山東通志士
正初任揚州司理讞海寇重案全活甚衆以才名內擢
旋由部曹改翰林屢遷至兵部督捕侍郎旋改戶部持
中會計屏絕膏潤及轉右都御史則抑奔趨崇恬退深
得風憲大臣之體詩文氣誼冠冕士林六十年海內奉
爲宗匠所著述甚富家刻共三十二種歿後揚州人奉
祀於平山堂與歐陽修蘇軾共稱三賢云

顏氏尺牘姓氏考

墨

海山仙館叢書

宋犖字牧仲號漫堂河南商邱人大學士文康公權子
以大臣子入宿衛歷官吏部尙書有滄浪小志綿津山
人詩集楓香詞西陂類藁河南通志犖十四從 章皇
帝度柔乾水水濶數丈躍馬以過 帝見大喜賜雕翎
箭五踰年分第諸在衛者犖試第一當改文員父權以
年少力辭父沒服除選黃州府通判尋權贛關陞刑部
郎中明於律例通倉有獄在官百五十人負米萬石詞
連本管犖爭之強卒至衆償負而官亦奪俸時論韙之
選山東按察使擢江蘇布政察出前司庫空闕銀三十

六萬兩揭報清刷 聖祖奇其才未踰年擢都察院右副都御史巡撫江西舟抵江寧聞夏逆之亂時賊連破蘄黃二十餘城避兵者蔽江下犂偵知會城遣撫標兩校出師託言無餉不發意叵測立檄稅庫銀千兩委道員往諭之有言裁軍李美玉袁大相密謀應賊者犂佯不省而陰授方畧夜縛二人至立斬之懸其首餘悉不問衆乃大定會夏逆亦殄犂條陳病民者十數事黜貪吏之甚者宿賊巨猾皆召捕正法江西遂安調撫江蘇江南承平久士民愛尙文雅犂遂弛威嚴以清靜無爲

顏氏尺牘姓氏考

吳

海山仙館叢書

爲治在職十有四年歲豐人和獄盜衰息屢奉 聖祖南幸溫語褒獎陞吏部尙書犂少侍父於京邸熟練故事無敢亂銓法者歸田後治家整肅建先祠置祭田悉倣古名臣遺制山東通志犂甫下車卽開釋疑獄禁絕誣枉保全望悞一時吏民皆畏威懷德自稱無冤東省命案率多輕生駕害及至昭雪而中人之產已破犂命州縣驗實立案必究峻訟之人盡法繩之及歲歉運家粟助賑自商及濟布置庄佃接踵移運無輸餽之勞東人至今德之畫徵錄牧仲博學嗜古精賞鑒嘗自言暗

中摸索可辨真贋一時以畫名家者悉羅致於家出所
藏屬樞副本耳濡目染遂得畫法嘗寫水墨竹小幅疎
逸絕倫非丹青家所能窺也

王又旦字幼華號黃涓陝西郃陽人順治十六年進士
歷官戶科給事中有黃涓集朱彝尊給事王君墓誌幼
華博通六經 賜進士授推官未除改知安陸潛江縣

以治行徵詣 闕下除給事中聞父喪歸服除補吏科
轉戶科掌印典廣東鄉試花山接峒人壤土寇結連出
沒劫商旅君疏建縣治設官吏廣州四縣交賴以安陝

顏氏尺牘姓氏考

望
海山仙館叢書

西通志又旦授潛江令潛賦役偏重摘發隱漏逃亡匿
業潛地居襄樊下流漢水歷安陸下大別每夏秋水漲
爲患又旦勸民趣視長堤屹然瀆逆告變大軍駐荆襄
潛當孔道羽騎絡繹徭役芻芻應時立辦

汪懋麟字季舟號蛟門江蘇江都人康熙六年進士十
八年舉博學鴻詞以憂不赴歷官刑部主事有百尺梧
桐閣集王士正汪比部傳蛟門幼穎異與兄耀麟同授
經長安王巖爲中書舍人公事畢輒鉛槧雜誦或行吟
殿陛間由是益有名需次部主事崑山徐公以君名薦

入史館充纂修尋補刑部仍直史館南城武某販米於南化園宿董之貴家董利其資殺之武父得屍於道得車馬於劉氏之門謂劉殺其子君微行南門外縱其馬馬至之貴門輒跳躍悲鳴衝戶以入君令收之訊實置於法都人爲作馬訟圖王某兄弟與海戶鬥自殺其病弟而訟海戶於官君微行至王某門籠鷲羣鳴延頸如有所訴立逮弟妻訊之具以告某遂自伏初君爲中書舍人楚人朱方且挾其術游公卿間君獨作論道篇詆之爲妖妄孝感熊公見其文造廬而定交焉

顏氏尺牘姓氏考

吳
海山仙館叢書

曹 禾字頌嘉號峩眉江蘇江陰人康熙三年官中書十八年 召試博學鴻詞改編修歷官國子監祭酒有峩眉集江南通志禾詩古文皆有名有文集行世方象瑛松牕筆乘峩眉疏請封禪予在皖城聞倪閣公共謀其奏予曰鍾伯敬評封禪頌謂長卿豈真有所求直是胷中有一篇好文字不肯埋沒耳閣公笑而然之

葉 封字晉叔又字晉原號慕廬本王氏後父嗣於中

表葉翁始氏葉湖北黃陂人順治十六年進士歷官兵馬司指揮候補主事康熙十八年薦舉博學鴻詞有嵩

遊集嵩山志嵩陽石刻集記 四庫全書總目嵩陽石

刻集記葉封官登封知縣時作登封在嵩山南故其所錄碑刻以嵩陽爲名此書錄取碑文便於參考王士正稱其辨證精博比之劉原父薛尚功王士正葉公墓誌銘父長青由黃州衛經歷攝黃陂令殉節死陂人德公留占籍焉成進士除延平府推官有巨猾善持官府短長吏不敢問君按誅其魁餘皆屏息靖南王駐閩旗丁肆虐八郡君繩以法不少貸漳河有大姓同室門訟終不已君決以片言訓以友恭遂相持泣下爲兄弟如初

顏氏尺牘姓氏考

兜
海山仙館叢書

未幾裁理官改知登封縣嵩山下有虎患君齋戒三日移牒於神引咎自責由是患絕選兵馬司指揮歸里往來杯湖退谷之間自號退翁及部授工部主事已前歿居易錄井叔由登封令人爲兵馬司指揮予取其嵩山詩五六十篇爲嵩遊集又選其己未庚申詩合刻之列於十子中井叔精爾雅說文學有根抵

林堯英字蜚伯號澹亭福建莆田人順治十八年進士康熙十八年薦舉博學鴻詞歷官刑部郎中河南提學道祀名宦有澹亭略福建通志堯英知饒陽縣戶部主

事晉員外轉刑部郎中出督河南學政以古學導士人文丕振尊卒於官平生孜孜好學手不停披著有克復講章工詩歌燕臺有十子詩畧名重一時堯英與焉河南通志堯英任提學道杜絕請託務拔單寒置嵩陽學田肄業者賴之
謝重輝字千仞號方山山東德州人大學士清義公子廕中書舍人歷官刑部郎中有杏村詩集山左詩錄公守清義公家訓居官不名一錢監崇文門稅至於缺額清節既著復以直諫多聞爲漁洋推重

顏氏尺牘姓氏考

五

海山仙館叢書

曹貞吉字迪清一字升六號實庵山東安邱人康熙三年進士歷官禮部郎中有珂雪堂總集四庫全書總目貞吉詩格遭鍊其黃山諸作極爲宋犖所推在京師和其文姬歸漢圖等長歌極有筆力今檢集中不載又王士正感舊集所選登望海樓吳山晚眺金山諸詩亦不見則全稿之散失者多矣又貞吉詩集詞集皆以雪珂爲名而其字寄託遙深風華掩映實遠過其詩蓋才性有偏至也張貞珂雪堂詞譜題辭實庵詩文妙天下間倚其聲作詞遂奪宋人之席吳蘭次名家詞選以爲

歷卷流傳江左推爲絕唱
田雯字子綸一字綸霞號漪亭別號山薑子山東德州人順治十六年進士康熙十八年薦舉博學鴻詞歷官戶部侍郎有山薑詩選古懽堂文集黔書長河志籍考四庫全書總目王士正負海內重名自趙執信以外無不借其聲譽惟雯與任邱龐璫不相攻擊亦不相攀附璫詩格律謹嚴而才地稍弱雯則天姿超邁記誦賅博欲以雄偉奇麗別闢門庭其名雖不及士正然偏師馳突亦士正之勍敵也山東通志雯任戶部員外時

顏氏尺牘姓氏考

至
海山仙館叢書

滇楚用兵軍書旁午請以白糧附漕艘帶運費不煩而民力省至今爲例提督江南學政文氣骯摩力崇古學所取皆雄駿通偉之士風氣爲之一振出撫江蘇秋雨積陰米色多變百姓艱於輸納疏請隨時交兌又以運河至京口一帶地勢崇高鑿山成河易於坍塌冬日風雪千夫荷鍤泥淖中艱苦萬狀請動司庫大加挑濬一勞永逸其他如減湖田之增稅免蘆課之辦銅俱次第施行調撫貴州時苗狷獯粵省方議會勦雯移書制府謂制苗之法犯則制之否則防之而已若興師動衆

勞民傷財於事無益大征之議遂寢震於史學最深爲
文渾涵雄健成一家言周彝田公神道碑公巡撫貴州
招接土番蠻王世爵土總兵龍天祐誅川蠻阿所率談
笑指揮採取如囊中物暇則葺學舍購書籍以教黔之
士子名家詩錄小傳震在黔自署蒙齋猶之元次山官
道州呼漫郎客樊上稱聱叟也由進士署秘書院中書
舍人中書號丞相掾在昔以資供職至是有御史言機
務重地宜用進士參是選始闢此徑

程 燧字穆倩自號垢道人安徽新安人後家揚州江

顏氏尺牘姓氏考

至
海山仙館叢書

南通志燧爲人高古博學思奇詩文書畫皆工鐫篆尤
稱絕藝周亮工讀畫錄楊孟載評黃子久畫如老將用
兵不列隊伍而頤指氣使無不如意近人惟道人能之
道人詩字圖畫頭頭第一獨於畫深自斂晦惟予能知
其妙道人亦自喜爲子作畫徵錄穆倩自號江東布衣
山水純用枯筆寫巨然法別具義味品行端慤敦崇氣
節從漳浦黃公道周清江楊公廷麟遊名公卿多折節
交之喜別古書畫及銅玉之器家藏亦夥

倪會鼎字無功又字子新浙江上虞人明禮部尙書文

貞公元瑤之子有因禮會歸集浙江通志會鼎嘗議廣
麻溪壩霍洞爲旱潦蓄洩之計又董築西江塘極其堅
固山會蕭三邑賴之家貧鍵戶著書有山陰令持兼金
百兩以資膏火三至三返之商盤越風子新先生名德
碩望推重一鄉其弟恆園先生名會選亦持身高潔工
隸書傅玉露撰傅略曰會鼎入侍文貞於京邸偶憇樹
下有中貴數人望見卅角儒雅遣使請接席會鼎念方
奏撤宦官亟行去時纔十四齡耳黃道周謫官至越從
受業周旋患難析性命之學文貞殉國祖母旣大耋母
又屢欲殉死遂杜門奉養頃刻不離康熙十年 詔舉
山林隱逸有爲推轂者力辭之

顏氏尺牘姓氏考

五

海山仙館叢書

吳 涵字容大號匪庵浙江石門人康熙二十一年進
士第二人及第歷官左都御史浙江通志涵理寶泉局
時以鼓鑄故採買廢銅商趨利吏得爲姦設籤聽商
自掣商人稱便轉刑部審察蒲臺命案粵東提鎮失機
皆稱 旨進吏侍遇銓選一月前預列應選應補姓名
次序揭於通衢吏不得上下其手又念舉人揀選或終
身不得一官疏請單月銓選著爲令

巖曾築字方貽又字獲庵號柱峯浙江餘杭人倉場侍郎
訖子康熙三年進士歷官兵部侍郎有聚德堂集西湖
先覺堂祠志曾築厯臺諫二十四年不苟不吐多所
建白平生汲引人材推獎後進惟恐不及故俸祿所入
多不給數典朝服會親友桑盆瓦器飲酒賦詩意豁如
也

董 俞字蒼水號樗亭江南華亭人明吏部侍郎遂初
孫順治十七年舉人康熙十八年薦舉博學鴻詞有樗
亭浮湘度嶺等集松江詩錄俞在童時喜讀古人詩略

顏氏尺牘姓氏考

焉
海山仙館叢書

上口卽能爲聲偶之言與弟含齊名坐事歸卜築南邨
方塘小榭竹翠花深灌園鋤藥歌嘯自如嘗遊楚過洞庭
庭遭風浪有投詩湖泊晚歲自定詩一冊客山東遇盜
與爭篋爲刃臂奪之去惟存楚遊草後其壻曹映曾檢
拾殘牘付梓朱荔裳爲之序說鈴孝廉最善賦學如鏡
賦燕賦採桑賦皆輕婉流麗可與吳興曹綺顏頰又有
送客入都詩云蕭條易水遊驅馬向空臺岸柳春前折
江鴻雪後來極澹雅有自然之致

董 含字間石號榕庵俞弟順治十八年進士有藝葵

詩集三國志畧專鄉贊筆 四庫全書總目含詩名不
及其兄而詩格高雅過其兄蒼涼幽咽有騷人哀怨之
遺而惻恍其辭知其意有所寓而莫名其寓意之所在
焉漱芳齋詩話 國初甲午時詩社復興閔石與其兄
蒼水掉鞅詞壇聲振吳越其初詩宗盛唐晚年有漸近
范陸者

張衡字友石又字羲文號晴峯直隸景州人順治十
八年進士應官浙江提學道藤陰雜記晴峯官水曹貧
不能舉火一日貸錢過慈仁寺見書卽買歸展讀怡然

顏氏尺牘姓氏考

海山仙館叢書

忘饑今世說晴峯官浙江學使嘗曰節費以奉親省事
以邵劬忍氣以養和讀聖賢書近直諒友以無忝所生
聞者嘉歎其言喜彈琴後得雷氏古琴脩而銘之紀以
長歌一時名士屬和者數百

黃雲字仙裳又字舊樵江蘇泰州人有悠然堂桐引
樓諸集今世說仙裳長身玉立能詩文善談論文氣慷
慨逢俗人稍不合意輒嫚罵之人多目以爲狂不敢近
鄧漢儀字孝感江蘇泰州人康熙十八年 召試博學
鴻詞特賜中書舍人有詩觀全集過嶺集 四庫全書

總目詩觀十四卷皆選輯 國初諸人之作別集則閩閣詩也王士正分甘餘話孝感同龔端毅使粵過梅嶺有句云人馬盤空細煙嵐返照濃寫景逼真

趙執信字申符號秋谷晚號飴山老人山東益都人康熙十八年進士歷官贊善有因園集飴山詩集 四庫

全書總目執信娶王士正甥女而論詩與士正相詆至作談龍錄以攻士正迄今述二家之說者祖分左右實則王以神韻縹緲爲宗趙以思路鏗刻爲主王規模潤於趙而流弊傷於膚靡趙才力銳於王而未派病於纖

顏氏尺牘姓氏考

美
海山仙館叢書

仄兩家并存其得失適足相救也名家詩錄小傳秋谷年十八舉鄉試第二次年成進士與館選鴻博之士皆以績學雄文負海內重望虎視蛟騰傲睨一世秋谷以綺紈之年旗鼓相當非肯作三舍避竹垞家陵西河諸君子胥引爲忘年交久之遷宮贊典晉闈試以 國恤徵歌縱酒坐削藉年未三十踰大耋始卒藤陰雜記秋谷去官查他山被議人皆知於國忌日同觀新鍾長生殿近於吏科見黃六鴻原奏尙有侍讀朱典侍講李澄中台灣知府翁世庸同宴洪寓而無查不知何以牽及

又傳黃以知縣行取以詩稿土宜送趙趙答刺土宜拜
登大稿璧謝因之挾嫌訐奏

黃士塤字伯和號羸山浙江石門人康熙十二年進士

官編修

王任雲字望如江蘇江甯人順治九年進士官泉州府

推官有格言僅錄周櫟園先生年譜乙未福建總管佟

代疏泰公在閩事赴閩質審事皆莫須有於是泉州司

李王仕雲延平司李吳洪滋建甯司李孫開先福州司

李田緝馨江甯司李盧圖龍會審上之按察使程之璿

顏氏尺牘姓氏考

毛 海山仙館叢書

事乃大白時聞大旱牘具兩大傾注民爲作歌曰束卷

雨

王宏撰字無異又字文脩號山史陝西華陰人康熙十

六年薦舉博學鴻詞以病未就試有周易筮述正學隅

見述砥齋集 四庫全書總目周易筮述以朱子謂易

本卜筮之書因作此編以明其義凡十五篇雖耑爲撰

耆而作然闢焦京之小術述羲文周孔之宏旨立論悉

本經義與方技家所說迥別又曰正學隅見述以朱子

無極之辨陸九淵攻之於前格物之說王守仁軋之於

後諸儒各爭門戶垂數百年宏揆謂無極之說當以陸九淵爲是格物之說當以朱子爲是因作此書以持其平居易錄山史博物君子也所著十七帖述并著極雋而核嘗刻華州郭宗昌金石史家藏漢唐以來金石文字甚富古文詞亦嫻雅以博學宏詞徵至京師居城西昊天寺不謁貴游以老病辭不入試罷歸在關中蓋張芸叟一流人

曾燦原名傅燦字青藜江西寧都州人應遴子有止山集江西通志傅燦與兄並工詞章喜然諾方國事多故

顏氏尺牘姓氏考

五

海山仙館叢書

思以功業自見折節下士一洗貴介才華之習士論翕然歸附乙酉楊廷麟聚兵保吉贛應遴許閩寇閩王總有衆十萬俾往撫之會 大清兵已克贛乃解散去燦後雍髮爲僧奔走閩浙廣之東西龔太常鼎孳應遴舊同榜愛其兄弟甚勸燦出就舉弗應大母陳母温念燦成疾乃始歸家謁省以大母命受室築六松草堂躬畊不出者數年燦自幼有詩名選海內名家詩二十卷號過日集僑居吳下二十餘年著西崦草堂詩後客游燕

市卒

陳玉璣字賡明號椒峯江蘇武進人康熙六年進士官
中書十八年薦舉博學鴻詞有學文堂集 四庫全書
總曰玉璣說經之文及辨議諸作亦頗有源委不同歟
說然大致逶迤平衍學宋格而未成王暉今世說稱玉
璣每讀書至夜分兩眸欲合如綫輒用艾灼臂久之成
痂蓋亦苦學之士又稱其所爲詩文旬日之間動至盈
尺見者遙其儁才則貪多務博可知

伊闕字翁菴又字盧源山東新城人順治十二年進士
歷官雲南巡撫王士正伊公墓誌公以康熙庚申巡撫

顏氏尺牘姓氏考

三
海山仙館叢書

雲南歷五谿毒滌之地上霧下潦不遑啓處及抵昆明
諸道官兵以萬計所需屏屨糧糗芻茭之屬稱是咄嗟
而辦及歿於軍中遺橐祇十餘金在臺二載屢有章疏
率多削藁喜摹晉人帖合處入能品池北偶談山東解
元在明時仕多不達至順治戊子翁菴以乙未改翰林
至節鉞甲午大嵩趙庶常浮山以己未丙午鄆城魏侍
讀子相以丙辰壬子濱州王檢討甲先以癸丑乙卯德
州李編脩紫瀾以丙辰丁巳諸城王編修沛思以己未
辛酉德州孫檢討子未以乙丑丁卯陽穀劉受常珍以

辛未凡歷十五科而入翰林者八人

柯鼎

侯攷

翁秉恆考江南通志英會以工部員外郎推淮安鈔關
鄧秉恆字元固號忍菴山東東昌衛人順治六年進士
歷官湖廣道參議有瀧江詩文集江西通志秉恆任永
豐知縣奸蠹遁迹摘發如神山寇盤踞率鄉勇蕩平之
建思江橋民稱便吉郡食廣鹽鼎革後鹽不行而課存
秉恆內召疏免廣課闔郡德之

郭榮字芝仙號快圃直隸清苑人順治九年進士歷官

顏氏尺牘姓氏考

卒

海山仙館叢書

內閣學士兼禮部侍郎有快圃詩鈔 四庫全書總目
榮文頗華瞻惟應酬之作太多未免失於刪汰曾修畿
輔志及保定府志今集內所載星野沿革等說皆志中
之文蓋用鄂州小集新安志序之例也畿輔通志榮博
學工文會著 皇畿大一統賦系數萬言士林傳誦
侯杲江蘇無錫人順治六年進士曾官刑部郎中
王如辰號北埜山東膠州人順治十二年進士歷官廣
西提學道僉事山東通志如辰初授山西交城令治多
山繇延百里積寇盤踞時時攻刦爲害之任七日設計

擒渠魁歸京師正法邑多虎患爲文檄之虎逸去擢戶部歷郎中出督學廣西時值兵燹九府學宮大半鞠爲茂草乃倡捐建復於桂林建華掌書院擇諸郡名士讀書其中所造士甚衆風氣爲之一開

孫浣思

侯汝

張楷江蘇江都人康熙六年進士官知府

何規中浙江仁和放鶴亭羽士

史逸裘字雲次江蘇金壇人浙江仁和籍順治十二年

進士歷官山東兗州沂曹道有五經集論廿一史約江

顏氏尺牘姓氏考

海山仙館叢書

南通志逸裘歷兵部職方掌軍政昭雪叛案無辜者幾千人督學河南時初復入股之舊益以起衰爲已任陞少參分巡東兗歲饑首建停徵之議以艱歸卒

釋輿源字楚雲湖南長沙人有梅檀閣稿居易錄楚雲禪師者天界浪杖人之孫竺菴成公法嗣也康熙癸酉曾訪予於京師庚辰復來過訪云將歸南嶽且云居士大名今日歐蘇也吾住江西三年又嘗往閩中博山東苑二祖庭掃塔凡深山窮谷漁樵耕牧之徒無不知居士名者

士名者

王九齡字子武又字薛澱江蘇華亭人御史廣心子康熙二十一年進士歷官左都御史有松谿葦香艾約山房秦山草堂諸集 四庫全書總目九齡挹何李之流波而才思富豔加以纖穠如金陵雜感云十里青樓原上草六朝金粉路秀花殆純以情韻勝矣居易錄乙丑會試王戶待鴻緒儼齋爲總裁其母兄編修九齡爲同考試官尤爲僅見松江詩鈔都憲於三昆中最晚達既入史館猶手不釋卷故其詩深沈道鍊是從苦心孤詣得來

顏氏尺牘姓氏考

奎

海山仙館叢書

張鵬字南溟江蘇丹徒人順治十八年進士歷官刑部侍郎池北偶談歷城王萃字秋史少年能詩清拔絕俗余偶以書寄張中丞言萃之才中丞特召見引之客座且贈金焉萃之才中丞之誼皆塵中所少也

張士甄字繡紫順天通州人順治六年進士歷官吏部尙書畿輔通志士甄官刑部尙書持法平允務寬大改禮部又轉吏部掌銓三載謝請託疏壅滯公慎自矢朝論歸之常奉使祭恆霍諸山途遇山西裁兵憫其無依爲設地屯處河東鹽課積逋纍纍疏請豁免

沈允範字康臣又字肯齋浙江山陰人康熙六年進士
歷官刑部郎中有采山堂集紹興府志允範在襁褓有
異徵祖父皆器之稍長究心經史以詩文雄視海內名
流樂與之交戶外屢常滿也歷官刑曹每有矜疑終夜
不寐獄是以不寃越郡詩選康臣樂府以唐調雜古音
頗近元辭其詩近體尤工然一夕而嘔血數回雖曰苦
思抑亦神忌之矣

孫一致字惟一江蘇鹽城人順治十五年進士第二人
及第歷官侍讀學士有世耕堂集江南通志一致父助

顏氏尺牘姓氏考

奎

海山仙館叢書

以孝友稱鄉里一致少有異才以拔貢赴廷試當赴
推官不就恬澹嗜學以母憂歸遂不復出糲食藜羹展
卷吟哦詩宗杜甫兼出入王維孟浩然閒

鄧旭字元昭江蘇壽州人順治四年進士歷官甘肅
洮岷道副使有林屋詩集吳偉業贈檢討鄧公墓志其
未舉子也遍禱於山川夢日而生故名之曰旭字元昭
撤木哈滿洲正黃旗人順治十二年進士

田種玉字公琢號遜菴順天宛平人順治四年進士歷
官文淵閣學士工部尚書兼太子少傅

劉良 侯考

陳一炳字虎文曾官吏部侍郎池北偶談 本朝用人
器使有不拘文武資格者吏部侍郎陳一炳戶部倉場
侍郎周卜世前總督浙閩兵部侍郎劉兆麒俱改都督
同知僉事等銜充山西山東直隸等處援勦提督總兵
官

錢芳標字葆汾江西華亭人刑部侍郎士貴子康熙五
年舉人官中書十八年薦舉博學鴻詞以憂不起有東
瀛草金門藁詞輒池北偶談松江錢少司寇艱於嗣與

顏氏尺牘姓氏考

齋

海山仙館叢書

夫人往天童祈子大師爲集衆僧問誰願往皆不答一
飯頭老矣自言願往既而錢果得子名鼎瑞字寶汾後
易名芳標字葆汾辭華麗藻有名東南官中書旣而假
歸一日方與客坐齋有僧至門持一楨書云自天童來
舍人啓視之殊不駭訝但云倉卒奈何明日晨起徧召
賓客與訣索筆書一偈云來自白雲來去自白雲去笑
指天童山是我舊游處微笑而逝
程汝璞安徽合肥人順治四年進士官浙江提學道魏
象樞糾參疏畧汝璞聽蠹書祈茂之等創立社師名色

不論優隸賤役卽與批呈仰學入冊准作社生以訪拿
有過生員爲名行牌各學嚇銀餽入免拿濫准詞狀動
輒親提指事勒索考案未發預使書役分頭播揚擇殷
飛噬勒索教官贄見陋規不餽者口罵奴才嚇放下等
以示凌辱生員遺才科舉每名勒銀二十四兩後減爲
十二兩山僻地方無人賄買其童生入學故缺額數將
別縣文武童生撥補嘉善儒童魏燾首名入泮因未餽
獻行牌除名詐銀四十兩復行銷牌考試私帶姬妾忽
以七相公乳母爲名忽以閩文相公爲名用轎臺入試館

顏氏尺牘姓氏考

空
海山仙館叢書

張 貞字起元號杞園山東安邱人康熙十一年拔貢
官翰林院孔目十八年薦舉博學鴻詞以憂不赴祀鄉
賢有杞田集山東通志貞刻苦好學博覽羣書遨遊四
方時與海內名流揚今推古一時稱文章巨手事母孝
尤敦內行母以節著貞承母志以光父業史館缺員
以待詔用亦不就退居杞城日以著述爲事李質庵杞
園先生墓表先生所著有家乘族譜杞鄉賢傳半部
稿或語潛州集耳夢錄行世新城王司寇與先生爲莫
逆垂老猶求先生定其文亦手定先生文論者至欲於

虞山堯峯間展一席地先生之文可知也

朱宏祚字徽蔭山東高唐州人順治五年舉人歷官浙
閩總督有清忠堂奏疏山東通志宏祚選授盱眙令以
廉勤自飭值歲歉申請蠲賑復自假貸二千餘金煮糜
餉之隣封就食者常數萬人訖無流殍以卓異補刑部
郎發奸摘伏寃獄多所開釋出守直隸亦著聲績遂撫
兩粵抵南雄首革庾嶺役夫先是粵東軍興芻蕘屨屨
之需徵至百萬餘金反浮正供宏祚亟為裁革臨高澄
邁吳川諸邑殘於兵變村舍為墟疏請蠲賦以招之流

顏氏尺牘姓氏考

空

海山仙館叢書

亡悉復故業等改總督浙閩飭營伍覈餉械嚴扣剋東
南壁壘一時改觀復奉修南河卒於工所

張永祺字爾成順天大興籍江蘇宜興人順治九年進
士第二人及第歷官國子監祭酒

成 性字我存安徽和州人順治六年進士歷官工科
給事中池北偶談益都馮公薦起魏光祿象樞於田間
并及成主事性於是魏授御史成授給事中成卽魏已
丑門生也會以中書舍人假御史巡按福建有清直聲
在京師卻掃絕交遊亦廉介之士然其自述有云不用

磁器以木代之亦矯矣在省中無他建白惟請遣官清丈蜀省田增加賦稅會有兵事不行

袁時中字來菴浙江鄞縣人康熙六年進士歷官提學

副使

茅鷹字天石浙江歸安人兩浙輜軒錄天石工畫山

水人物而於詩亦佳

沈季友字客子又字南疑浙江平湖人康熙二十六年

副貢生有學古堂集南疑集迴紅集輯賦格柘上遺詩

樵李詩繫 四庫全書總目季友爲陸棻之婿與汪琬

顏氏尺牘姓氏考

奎 海山仙館叢書

毛奇齡以詩相唱和奇齡爲作詩序以才子目之然柳揚皆在是矣又曰詩繫所錄嘉興一郡之詩由漢晉以至國朝每人各爲小傳詩中山川古蹟民風物產亦多所考證兩浙輜軒錄客子爲西平知縣棻之子少聰穎精制藝及古文詞年二十六刊南疑集行世一時紙貴名動江左

汪耀麟字叔定江蘇江都人中書舍人懋麟兄有抱耒

堂集

顧宸字修遠江蘇無錫人明崇禎十二年舉人有宋

文選杜律註解江南通志宸有文名蓄書尤富

曹申吉字澹餘號逸菴山東安邱人順治十二年進士
歷官貴州巡撫殉吳三桂之難有黔行黔寄二集山東
通志申吉分守湖廣鄖陽治政循卓而尤長聽斷浚厯
禮兵二部侍郎酌復舊章多所建白出撫黔中改衛所
歸併州邑以一事權招撫生苗編隸版圖迪以文教不
三年而吳逆叛舉家被害張貞曹公墓志先生撫黔多
善政十二年冬吳逆難作被執當聞變之初夜遣僕人
飛章入奏疾馳六千里十二日而達都門上始得吳

顏氏尺牘姓氏考

矣

海山仙館叢書

逆反狀庚申夏蠟書赴闕密陳機宜爲賊所覺遇害
於昆明之雙塔寺

董樵字樵一字鸞谷號東湖山東萊陽人明諸生有
南遊岱遊賈遊諸草入山偶存燕臺還山耦耕堂諸詩
靜志居詩話董生高蹈之士甲申後徙居文登海濱日
荷篠入市易米人莫知其住處縣有紳士要於路欲與
語生棄薪道左詭云吾科頭當取冠與公揖竟去日暮
不復來紳士取棄薪以歸曰此高士所遺也生從此不
復入市王士正董烈婦傳烈婦孫氏棲霞人諸生士彥

女歸樵子道廣樵客卽墨而道廣病婦方歸省父母心動趨歸道廣病且殆烈婦瞑目絕飲食矢必死三日道廣死婦從容告廟與姑劉氏訣顧謂弟仲桂曰歸語父母勿過哀女無以答劬勞是所以報耳遂自經海岱間人奇婦節而多士彥賢知樵者皆爲賦詩云

高詠字阮懷號遺山安徽宣城人歲貢生候選知縣康熙十八年 召試博學鴻詞官檢討有遺山堂詩若

巖堂集江南通志詠幼有神童之目其學無所不窺書畫與詩世稱三絕充明史館纂修所撰史藁皆詳慎不

顏氏尺牘姓氏考

堯
海山仙館叢書

苟吳陳炎曠襍記詠少時夢於市上見大幅字狼藉盈街不敢踐尋一側路行不覺輕舉人雲中至一所樓閣壯麗踰牆入門有黑髯若元壇神者從一卒擁皂纛自內出詠左避神睇如顧問纛卒有所言者再乃去遂至內闕門門左冕而執笏山立者甚衆知爲天庭方恐懼倉皇則有導以行者至右偏旁殿額曰三官堂有公座三黃裯畫臯比私念何可據三官堂遂出最後引至文昌宮以第三座命之曰可坐此驚而寤作飛龍引以紀康熙壬子 廷試至五鳳樓金水河彷彿夢中以爲兆

應矣尊以薦授史官數年復夢此境心惡之以疾請假歸里每語人曰當以二十八日辭世寃不言其故次年二月卒果二十八日名家詩鈔小傳阮懷年近六旬始以明經貢太學崑山徐相國延至家塾一日舉觴相屬曰先生早歲卽藉甚聲名某甫就傳欲顏色不可得幾作天外真人想今竊不自意屈致門下實慙且幸敬以此爲先生壽阮懷唯唯唯取酒立飲座客驚歎皆謂高草野倨傲而多相國賢

汪琬字茗文號鈍翁江蘇長洲人順治十二年進士

顏氏尺牘姓氏考

字海山仙館叢書

歷官刑部郎中康熙十八年召試博學鴻詞改編修有堯峯詩文鈔鈍翁先後類稿四庫全書總目琬與魏禧侯方域并以古文擅名宋犖嘗合刻之然方域才人之文禧策士之文惟琬根柢經典不失爲儒者之文歐蘇曾王固未易擬以接跡王慎中唐順之歸有光等無愧色也又曰琬請告以前所作詩文自輯爲類藁六十二卷刊板置之堯峯皆山閣其歸田後作輯爲續稿又取明史列傳藁附以汪氏族譜及其父行畧爲別集有周公贄者爲校刻之後琬復自刪擇取其愜意者爲

堯峯詩文鈔屬林佶繕本刊行蘇州府志琬少孤自奮讀書五行俱下觀政通政司假歸銳意爲古文辭以起衰自命授刑部郎中河南民張潮兒以母讐殺族兄論死琬爲復讎論引律文罪止杖爲據以奏銷案兵馬司指揮剛直不撓理寃誣決疑獄懲奸豪任滿去民炷香攜酒送者塞道復爲戶部主事假歸結廬堯峯在史館六十日杜門稱疾踰年告歸爲文根柢六經浸淫史漢取法唐宋元明大家立言命意各有所本嘗自言吾文從廬陵入非從廬陵出其敘事尤有法度名家詩鈔小傳鈍翁性卞急遇事所不可輒攘臂爭卽詩文得失不少假然坦率無城府片語之佳不難俯首至地家居弟子日進常教之曰學問不可無師承議論不可無根據出家不可無本末其指歸如此

顏氏尺牘姓氏考

主

海山仙館叢書

路鶴徵字湘舞一字青城初名迺登江蘇華亭諸生松江詩鈔湘舞研精古學文采宏麗常同王含章客大梁幕共輯二十一史纂注

王暉初名棐字丹麓又字木菴一字松溪浙江仁和人霞舉堂集南窗文畧檀几叢書文津今世說贈言

偶集墻東草堂詞今世說丹麓家既落顧時喜刻書客
至質衣命酒其詩曰平生好賓客資用苦不周有懷莫
可告室人且見尤施愚山誦之輒失笑曰蓋有類予者
李植山東利津人明崇禎七年進士官御史 國朝
歷官河南巡按山東通志植授陝西韓城知縣開渠灌
田捐粟賑饑行取御史 國朝巡按河南值撤差絕意
仕進卒於家

周在浚字雪客河南祥符人戶部侍郎亮工子流寓江
寧官太原府經歷有藏密菴秋水軒集潛邱小蘂花之

顏氏尺牘姓氏考

圭
海山仙館叢書

詞天發神讖碑釋 四庫全書總目天發神讖碑本在
江寧城南之巖山後在天禧寺門外至宋胡宗愈移置
轉運司後圃元楊益又移府學中一名三段碑吳天璽
元年刻石黃伯思以爲皇象書或以爲蘇建其字怪偉
兼以碑斷裂頗難辨識在浚合其石貫以巨鐵重爲釋
文而以諸家題跋附之

李之粹漢軍鑲黃旗人貢生浙江布政使

龍光字二爲安徽望江人康熙六年進士歷官福建
同知古夫于亭雜錄光自記前身太白山湫龍也每雷

電風雨輒心喜意氣飛揚然仕途輾轉仕至福建某府
同知

鄭淮字桐源江寧人墨林韻語桐源畫山水筆意展
拓氣宇軒爽卽尺幅便面豁徑自別雖淵源樊氏浴沂
而去其枯冷之致
宋實穎字旣庭江蘇長洲人順治八年舉人康熙十八
年薦舉博學鴻詞官興化教諭有讀書堂老易軒玉磬
山房等集春秋拾遺蘇州府志實穎淹貫經史詩文典
雅爲詞壇名宿侍講繆彤少從授經宅心淳厚喜獎後

顏氏尺牘姓氏考

三
海山仙館叢書

進以故人益重之魏禧曰實穎母夫人葉當乙酉兵亂
與季子實方女雪娥實穎婦朱氏同赴井仲子實粟從
旣經日母及實粟死而實方雪娥與朱氏直立水中竟
不死池北偶談旣庭作黜朱梁紀年圖論其義嚴正略
云王莽不得爲新安祿山不得爲燕全忠豈得爲梁乎
且移檄興復唐室者有晉岐蜀淮四國或爲唐之王子
或爲唐之賜姓今黜朱梁紀年而以晉岐淮南之稱天
祐者爲主始於天祐四年至後唐莊宗同光元年而止
亦春秋書公在乾侯之義也

汪徵遠字扶晨號粟亭後更名士鈞安徽歙縣人有滄
螺集稽古堂稿穀玉堂近詩漁洋詩話扶晨工於詩古
選尤間澹有王韋之風若黃山詩有不見菴中僧微雨
潭上來不愧古人字公望山東館陶人東興氏五世
曹重初名爾垓字十經江蘇婁縣人有濯錦詞雙魚
曲譜松江詩鈔重以父煨乙酉遇害乃絕意進取風雅
自耽博學工詩善繪事尤長于詞兼好度曲有雙魚譜
流傳繩索千里生其自號也初家于溪晚年移居郡東
郊築臨溪書屋居之爐香茗椀古色斑然至今風流猶

顏氏尺牘姓氏考

三
海山館叢書

可想見金山縣志曹重母吳氏名朏號冰蟾子妻李氏
女鑑冰並能詩善畫合編集曰三秀笛餘小藁張僧繇
畫花遠視作凸凹狀近看却平曹子十經頗得是意雲
山酬唱十經年少才華溢發其詩文綸爛如赤城霞或
堅潔如藍田玉又善丹青與雪田諸子起墨林詩畫社
耿願魯字又樸又字公望山東館陶人康熙九年進士
官編修有章齋集山東通志願魯幼穎慧六歲卽通經
史善詩工楷書充同考焚香籙天期獲奇士以報國
王士正耿公墓志耿一白先生明登宏治進士官監察

御史抗疏劾逆閹劉瑾直聲震天下累官江西參政曾孫如杞登萬曆進士官遵化監軍副使不拜逆閹魏忠賢祠爲闖黨劉詔所劾逮詔獄累官山西巡撫中丞子含光官高密訓導生編修公癸丑爲會試同考官首得韓公葵餘如徐倬董閏繆綿宣輩皆詞林眉目一時推公知人

黃之鼎字訥菴直隸元城人康熙六年進士

柳壽字公隆山東臨清州人順治八年舉人居易錄蔡維寧吳洞庭山人弱冠能詩爲工部尙書臨清柳公

顏氏尺牘姓氏考

三
海山仙館叢書

隆所知會逆閹魏忠賢亂政柳公將發其姦病不能起泣屬維寧維寧諾之奮筆草數千言疏成柳已病革其家人竊焚之維寧慟哭出都闖兒旣誅維寧踴躍之清源告柳公墓公隆能詩工書與予辛卯同年相善云魏麐徵字蒼石江南溧陽籍高淳人康熙六年進士歷官邵武府知府有石屋堂鈔西湖和蘇詩濂洛風雅選杜詩評註駁正錢箋濟寧州志麐徵避寇徙濟寧與王士正田雯顏光敏友善由中書督軍儲有功充杭邵武知府清介明敏所至有聲性嗜書案牘之餘手披口吟

自夜達旦推監司不就謝病歸平生著述甚富在杭有和蘇詩數卷毛奇齡謂爲坡公後身墨蹟存十之六七濟人士共寶之

惠周惕字元龍號研溪江蘇吳縣人康熙十八年薦舉博學鴻詞以憂不赴三十年進士官密雲縣知縣有易傳春秋問三禮問詩說研溪時文集四庫全書總目詩說於毛傳朱傳無所偏主惟自以己意考證引經據典所得較多蘇州府志周惕世居吳之東渚父有聲明貢生與同里徐枋友善以九經教授鄉里周惕少傳家

顏氏尺牘姓氏考

美
海山仙館叢書

學又從枋及汪琬游究心經學工詩古文詞旣壯遍歷四方與當代名人交

吳元龍字長仁號卧山江蘇華亭人康熙三年進士厯官督捕理事十八年召試博學鴻詞改待講有問月堂詩鈔江南通志元龍預修明史奉親以孝聞子廷揆進士官太常少卿才望甚著

李鴻霽字季霖號厚餘山東新城人康熙三年進士厯官沅江府知府有愜游觀海餘則滇南諸集沈廷文李公墓誌公會祖九青自長山遷新城父采蘭績學力行

多隱德公邃學工文精衡鑒分校北闈所取皆名士典
試浙江得人尤盛轉戶部郎中出知沅江府教養兼備
周重碩字子遜山東鄆城人
鍾朗字玉行號廣漢浙江建德人順治十六年進士
歷官布政司參議浙江通志朗出視江南蘆政蘆故奸
猾弊數強弱輸賦不等積逋至二十餘萬朗偕使者按
籍履畝確查得豪富侵占胥吏飛灑等弊陳請豁免貧
戶積欠數萬兩

蔡兆豐江西金谿人官温州府知府

顏氏尺牘姓氏考

宅
海山仙館叢書

張錫懌字越九號宏軒江蘇上海人順治十二年進士
官泰安知縣有南歸涉江漫遊等稿松江詩鈔泰安有
捨身崖越九禁之歲活無算會校秋闈以元卷改字被
議歸居鄉留心地方公事如癸巳海警闔邑將懼不測
以抗辨得釋毛奇齡西河詞話雲間諸進士嗣鄧董孝
廉俞諸君嘗於重陽後作神山之會時吳學士偉業在
坐連覓女郎倩扶不得夜分滬上張宏軒刺史來赴挾
一衣冠少年光豔暗射若薄雲籠月人各却步且不敢
詢姓氏及移燭視之則倩扶也一座譁然蓋是時倩扶

已與宏軒定情久矣宏軒有詞紀事云云

金煜字子藏浙江會稽人順治十五年進士官鄞縣知縣曠園雜志煜一目有重瞳子其母弟馬玉超挾粵東一扶乩客來驚曰南唐李後主後身也後主見馬太后之詞而善之願爲之兒其遭逢不能遠過後主得乎戊失乎戊識之識之煜祖太常公笑曰彼知後主亦名煜故妄言耳後煜年十九中進士康熙庚戌罷官甲戌死歿後主於南唐建隆三年壬戌卽位至開寶七年甲戌而國亡身殞得失果皆同

顏氏尺牘姓氏考

吳海山仙館叢書

戴京會初名子京字型遠浙江錢唐人順治六年進士歷官順天府府丞池北偶談型遠官山東提學清方孤峭人不可干以私所拔皆一時名士與施愚山先後齊名內陞大理寺丞予告久之起補稍遷順天府丞再予告歸幅巾野服參學徑山絕迹公府人品爲武林第一劉芳躅字鍾宛號增美順天易州人明戶部尙書餘裕子順治十二年進士歷官工部侍郎祀鄉賢畿輔通志芳躅出撫山東甫至卽飭屬吏屏絕餽遺廉訪民情利弊連上一十三疏凡所因革悉蒙俞旨

張應瑞字受菴漢軍正白旗人順治十二年進士歷官
兩淮鹽運使

張鴻猷字匡鼎順天通州人順治十八年進士歷官廣
西提學僉事祀鄉賢畿輔通志粵西地介蠻服又經兵
火後向學者寡鴻猷加意鼓舞文風丕變持操堅卓僚
友俱不敢以私相干

曹首望字統六又字功貢直隸豐潤人拔貢生授內閣
中書舍人歷官蘇州府知府祀鄉賢畿輔通志首望擢
蕪湖關凡不利於商不便於民者悉除之擢儀曹郎出

顏氏尺牘姓氏考

堯
海山仙館叢書

知蘇州府蘇郡水陸交衝供億繁雜會赴浙閩兵過郡
縣令弗能支撫臣輒以委之首望至則刻期辦事兵無
騷擾境內安堵如故抵任褻香告天誓不取一錢終始
無改節爲廉吏最

謝兆昌字瞻在浙江定海人康熙六年進士歷官河南
道御史有閒居集兩浙輶軒錄兆昌於長蘆巡鹽時恤
商剔弊前後章疏數十上以病乞歸

高恆豫直隸靜海人少保文端公爾儼子官生歷官河
南鎮道天津府志世祖論公卿子入侍備顧問方面

之選少保高爾儼以姪恆豫失恃撫愛若己出恆懋體
父志以恆豫應焉少保卒 朝廷恩廕一子恆懋復讓
恆豫

王日藻字印周號却非原名濂江蘇華亭人順治十二
年進士歷官戶部尙書江南通志曰藻由員外郎出爲
河南提學僉事報最擢參議累遷江西布政使所莅有
聲巡撫河南疏請開墾荒田四十四萬餘頃悉成沃壤
分轄河務籌畫精密內遷刑部侍郎歷工戶二部賦役
諸政裁斷穩愜以事落職復起總理高堰河工勤瘁卒

顏氏尺牘姓氏考

全
海山仙館叢書

工所 特復原秩

桑開運字兩嵐直隸玉田人順治十二年進士歷官廣
西布政司參議祀鄉賢有恤刑策畧目省撮要畿輔通
志開運少有大志不屑細務以敦倫紀善風俗爲首平
生拯人之危恤人之急親黨藉以婚葬者甚多時咸目
爲長者

于 璉山東文登人順治十五年進士

張 英字敦復號夢敦安徽桐城人康熙六年進士歷
官大學士贈太子太傅諡文端有存誠堂篤篤素堂詩文

集易書衷論江南通志英侍講幄敷陳經義民生吏治
悉心獻納知無不言 聖祖初設 南書房俾每日侍
直以資講論詞臣 賜第內城自此始及佐樞部掌邦
禮恪慎清粹一時典章儀制 廟廷制誥之文多其手
定登相位忠盡純誠佐佑啓沃歷任三十餘年未嘗一
日離內直 聖祖稱其老成敬慎終始不渝有古大臣
風 命工寫象以 賜生平多隱德外和內剛一私不
染薦拔賢俊如不及從不使人知廣義田以贍宗族肅
家範以率子弟一門咸勵名節溫恭謙謹稱江左弟一

顏氏尺牘姓氏考

全

海山仙館叢書

年七十二卒於家 御祭卹葬遂恆制 世宗御極有
甘盤舊學之思贈太子太傅崇祀京城賢良祠 賜祭
於本籍 御書匾聯有忠純貽範師模如在之褒
孫 焯浙江德清人

王尹方字鶴汀山西安邑人康熙十二年進士歷官內
閣學士山西通志尹方雅度清望焜耀班行一時有四
君子之目嘗夜 召至禁中講經書數釋詳剴爲講臣
最主庚午江南鄉試 疏請破例搜落卷得 旨展期
校閱率至丁夜事訖嘔血數升論者謂明西江姜公燕

主典江南試越六十年而復至庚午其甄拔耆俊適符
之性至孝生母歿以嫡母年高具疏請終養生母故
不嫌於嫡母者也君子以爲厚卒賜祭葬

劉始恢字价人江蘇山陽人岑溪令昌言子康熙九年
進士歷官吏部郎中江南通志始恢授大理評事時有
兩議例有成獄讞法司而於情罪未協者輒奮筆駁正
大理卿採其議列疏後附請得報可歷吏部考功郎
冢宰以廉慎薦轉文選郎中銓敘得宜時無滯才會河
臣建束河注海之議始恢力持不可與詞臣喬萊合事

顏氏尺牘姓氏考

全

海山仙館叢書

得寢

張鵬翮字運青號寬宇四川遂寧人康熙九年進士歷
官大學士贈少保諡文端祀賢良有忠武誌張邦伸錦
里新編鵬翮九歲能文康熙己酉舉於鄉年十二入闈
時監臨某夢綠衣白馬人入某號使吏記名於簿揭曉
公名列焉明年成進士入翰林改刑部辦疑獄不避權
貴再遷禮部郎中上召見賜太液鮮鯉簡知蘇
州府補兗州舉兵部督捕右理事與內大臣同使俄羅
斯路經喀爾喀地之額諾德與喀爾喀爲難聲音王

師將援以敵額諾德執我前軍衆驚欲退公曰受天
子命出使絕域奈何示小醜怯且吾退而彼襲其後將
何以禦陳師固壘以張之而徐遣一介通其故若跋扈
再計可也衆猶豫公厲聲曰某獨當之額諾德服罪扈
從 南巡還至吳授浙撫七年士敦實行人息競爭會
請免捐穀時議欲中傷奏上仍留任尋遷兵侍浙民繪
像於竹閣淮黃泛溢南北阻絕議者欲改海運 上特
調公經其事公博考輿圖徧尋古迹於河自開歸至雲
梯以下於淮自洪河湖盱泗以上按審形勢歎曰河性

顏氏尺牘姓氏考

全 海山仙館叢書

本直而壩曲之是拂其性也河流入海而隘其口是阻
之流也昔之淮南高而北下今之淮西亢而東傾欲疏
河必開海口欲出清必塞六壩乃陳十策以便宜行事
報可於是遵王景塞館陶之法修潘季駟江一麟所
築歸仁隄圻欄黃壩杜諸決口倍大河南北之隄曲者
使直堧塘六壩開張福口裴家場瀾泥淺三以儲及張
帥諸莊 上南巡迴視公曰卿之力也 召爲刑部尙
書轉戶部遷吏部 上以公公直廉明有疑獄輒遣判
之噶禮之參陳鵬年公直鵬年而曲禮公子懋齡牧懷

宥屬禮下公無所容回類此

吳一蜚字翼生號騰南江蘇長洲人康熙六年進士歷
官吏部尙書蘇州府志一蜚少孤兄愉教之讀書成進
士授山陰知縣內艱服闋補知洪雅縣時巡撫方行開
墾增稅之令洪雅見徵七百九十四兩欲加至五千兩
一蜚力爭之得減三千四百餘兩入爲工部主事擢御
史降行人司副晉刑部尙書時有重案株連一蜚苦心
消釋人多陰受其芘轉吏部卒於位貧無以殮朝士賻
之始克庀事

顏氏尺牘姓氏考

舍

海山仙館叢書

夏州梁字孝齋又字斗巖江蘇鹽城人

于覺世字子仙號赤山別號鐵樵山人山東新城人順
治十六年進士歷官廣東提學道候補按察使有居巢
燕市使越嶺南諸集山東通志覺世授歸德推官以裁
缺改知巢縣縣帶山濱湖號爲難治覺世爲政寬簡以
巖劑之俗好巫尙鬼捕其首奸俗乃改滇逆發難有巨
寇起安廬間攻剽郡邑將據焦湖以應之揚帆自大江
東下覺世設伏於南門伏橋身率甲士邀擊之殲其巨
魁安廬之盜遂絕後以禮部郎中視學廣東教士先德

行而後文藝士翕然化之擢布政司參議致仕歸奉繼
母甚謹鄉黨稱其孝焉山左詩鈔鐵樵令集縣蝗不入
境尤嫻武事嘗伏兵夜戰生擒巨盜後以終養不出唐
豹巖太史稱桓臺工孝謂鐵樵及傅侍御彤臣也

魯超字文遠號謙庵浙江會稽人順治十七年副貢
生歷官右通政浙江通志超守松江有善政後爲惠潮
道潮有絕戶虛丁久爲民累超除豁三十餘戶康熙甲
戌水漲超晝夜替民築堤至今名魯公隄歲飢守令議
發積貯平糶未敢擅動超力任之果報可及晉粵藩

顏氏尺牘姓氏考

金海山仙館叢書

益勵清操葺珠江義學延宿儒以教士粵東兵餉例間
用錢適錢滯兵苦虧折強市民物民復苦之超請全給
白金兵民均便松江詩鈔謙庵任松江知府舉卓異者
再巡撫湯文正薦廉能第一其在郡建扶風書院培植
後進人尤仰其嘉惠多士焉
祖允圖字亮公奉天人官順天府府尹

王君詔

侯攷

張鏜江蘇上海人泰安令錫懌弟官中書

臧眉錫字介祉號喟亭浙江長興人康熙六年進士歷

官御史戴璐吳興詩話唱亭由魯山知縣任中書改御
史毛西河湖舫陪臧內史飲次采蓴云君方返承明西
掖當朝參豈可蕩兩槩流連向空潭蓴羹未下歧本性
我所諳

施天裔字泰瞻遼東人貢生官山東布政使

任 楓字木庵河南汝州人康熙六年進士官山西靈
石知縣祀鄉賢有咽莊詩河南通志楓少值寇亂奉親
避難寶豐城破賊逼令降大罵不屈賊怒刃其鼻耳罵
益厲身被數刃妻王氏以身捍蔽迎刃不少避賊欲牽

顏氏尺牘姓氏考

全 海山仙館叢書

之去王哭且詈賊怒刃其首而去楓復甦得不死

李 迴字奉倩山東壽光人康熙三年進士歷官刑部
侍郎山東通志迴沈靜簡默不邀名譽每以哀矜折獄
讞出其手雖九死必獲一生人以行善稱之

郭 昌字介繁河南太原人順治十五年進士歷官戶
科給事中

方大猷字歐餘號庵壘浙江烏程人崇禎十年進士

國朝歷官山東巡撫終運河道濟寧州志大猷晚年寓
居濟上故人有爲山海關總兵者大猷曾監其軍及其

人在黔以書招之不屈大猷久河上明於河渠當平居時猶上下二千載抵掌色飛潘檢討未贈詩極爲推重善山水及書法求者盈集揮灑不倦畫徵錄大猷官山東巡撫以事鐫級爲河道山水學董間爲倪黃多淫筆嘗畫河灘小景題曰十二載河干只記得者個工書善詩河南考城最多其蹟

張永茂奉天人舉人官江南督糧道布政司參議

鄭僑生江蘇邳州人康熙六年進士歷官湖廣提學道

僉事

顏氏尺牘姓氏考

全
梅山仙館叢書

許承宣字力臣號筠庵自號麥青子江蘇江都人康熙十五年進士歷官工科給事中有宿影亭稿江南通志承宣授工科給事中首陳揚州水利賦役二疏典陝西鄉試還條上秦晉間利弊六事悉見嘉納弟承家官編修請假歸兄弟里居皆以循謹惠愛見稱

王騰字相居號辰嶽又號幾菴山東福山人順治十

二年進士歷官戶部尚書有養素堂詩集祀鄉賢山東

通志騰升四川松威道時兵氛未靖轉餉深入險阻勦

撫巴豬等寨恩威並濟邊徼永寧蜀中有採運楠木之

役適代藩司入 覲奏免之總督浙閩聞夏孽跳梁移
鎮延平爲犄角以壯聲援

徐國相奉天人歷官安徽巡撫

魏學渠字子存號青城浙江嘉善人順治五年舉人歷
官江西湖西道有青城山人集四川通志學渠任成都
推官蜀中疲於差徭倡立章程又定嘉眉邛雅賦額公
私稱便橋李詩繫學渠擢刑部主事贖魏女之沒官脫
丁生之謗獄後補湖西道艱歸慷慨好施桐城錢澄之
感其惠有詩曰還家擬建懷青閣從此飢驅不出門武

顏氏尺牘姓氏考

海山仙館叢書

林注繼昌以所憎築園江干名曰黃圃黃宗炎求買山
之助出祇襪置其袖視之則黃金也

趙開雍字五紘號韋齋江蘇寶應人官知府有東魯嶺
南粵西諸草

朱 綵山東單縣人

朱 綬字方來號澹居山東單縣人明大名道廷煥子

歲貢生官蒲臺訓導有綠怡軒遺稿胡會思朱先生墓

誌先生考忠烈公廷煥崇禎甲戌進士由繕部郎歷官

大名兵備道甲申三月流賊自雍豫抵畿南獨忠烈公

以死自誓賊衆薄城下有奸人與賊通款城遂陷公猶督衆巷戰力屈被害時先生歸就試計聞殞絕復甦者再四營葬畢隨詣幕府求得奸人磔諸市設位以奠順治乙酉伏闕陳殉節狀得旨與祭葬并錄事蹟編史冊

沈廷文字原衡號元洲浙江秀水人康熙二十七年進士第一人及第官修撰有廣居文鈔燕邸雜錄北征南歸等集 熙朝新語廷文父於 大兵入粵時被執監禁廷文哭訴軍府得釋年已七十矣及廷文官修撰爲

顏氏尺牘姓氏考

允

海山仙館叢書

介壽徵詩同里陶越作引言有孝子身經百險幸靚止於鯨波鱷沫之餘孤臣跡越千鄉正徬徨於電閃沙驚之候之句都下盛傳

許聖朝字慎餘山東聊城人康熙十二年進士官吏部員外

顧見龍字雲臣江蘇吳江人畫徵錄雲臣以寫真祇候內廷名重京師余見所畫湯文正公像其子姪皆云酷肖然筆墨未見拔俗也

李漁字笠翁浙江蘭谿人有一家言金華詩錄笠翁

少遊四方自白門移家杭州家居湖上碧波翠嵐環映
几席喜其家與山水爲鄰自號湖上笠翁負才子名婦
人孺子無不知者所作率胸臆構巧思不必盡準於古
最著者詞曲其意中亦無所謂高則誠王實甫也笏及
窗牖牀榻服飾器具飲食諸制度悉出新意故傾動一
時靈芬館詩話笠翁以填詞擅名其他著作人多以俳
優畜之然清詞麗句亦有不可沒者云云

王士驥字隴西又字杜稱山東新城人康熙三年進士
官內閣中書有聽雪堂詩集詞集遊大梁詩

顏氏尺牘姓氏考

牛

海山仙館叢書

顧芳菁

侯考

成德氏納喇字容若後更名性德奉天遼陽人康熙十
二年進士官侍衛有合訂刪補大易集義粹言通志堂
集 四庫全書總目德生華閱勤於學問鄉試出徐乾
學之門遂受業焉九經解卽其所刻而徐乾學延顧湄
校正之以書成於性德歿後板藏徐氏世遂稱徐氏九
經解並通志而移之徐氏實相傳之誤也

史 夔字胄司江蘇漂陽人編修鶴齡子康熙二十一
年進士歷官詹事江南通志夔在史館凡稽古禮文編

纂著作之事推爲巨手從北巡著扈蹕集典試兩浙著檀亭集分理河工著觀濤集祭告南海著扶胥集楊丕顯字耀祖

余國楨字端人號劬菴浙江遂安人明崇禎十三年進士官富順縣知縣有見聞記憶錄四庫全書總目國楨自稱生平卷帙盡佚兵火偶舉所憶惘恍都如夢境後其子中恬分爲五卷日記文記人記物記異雜記大抵皆明末瑣事間涉荒誕無關考證又所作雜文並廁其中亦非得體

顏氏尺牘姓氏考

至海山仙館叢書

張惟赤字君帶號螺浮浙江海寧人順治十二年進士歷官工科給事中浙江通志惟赤居鄉捐造營房一百間使兵民分處歲飢捐米賑濟脩建學宮開濬海鹽運河邑人立碑記其事藤陰雜記螺浮有新園在棗林街合肥尙書過飲詩云柳市城闈百尺梧棗林街裏一囊書螺浮有十年霜雪老黃門之句一時名流爭和尙書觀螺浮侍史龍梭演劇有翩若驚鴻矯若龍之句

范瑛瑛山東滋陽人滋陽縣志范淑泰沈默有大志登進士授行人轉兵科都給諫輔臣王夢熊權傾內外莫敢

彈奏秦抗疏十二熊始罷土書風規峻整四字賜之丁
艱旋里值辛巳之難人民相食自罄已財賑飢壬午殉
國難贈太僕寺卿廕一子

紀 愈字孟起順天文安人康熙六年進士歷官工科
給事中視鄉賢畿輔通志愈夙具偉畧歲己酉土寇樓
城愈倡先守禦邑賴以安康熙十二年隨大將軍勦江
西逆賊恢復撫州勸止殺戮全活甚衆或遺以所俘婦
女貯之別室訪其夫還之仲弟吳以博學鴻詞應 召

季弟元先中進士官淮安同知皆愈友愛訓勉之所致云

顏氏尺牘姓氏考

九

海山館叢書

梁聯馨陝西平涼人康熙三年進士

李彥瑁字華西陝西三原人康熙六年進士

王穀振浙江會稽人康熙六年進士官同知鶴徵錄吳
任臣字志伊浙江仁和廩生由內閣中書王穀振等薦

舉授檢討

郭 昂江蘇寶應人康熙九年進士官孟縣知縣

孫在豐字屺瞻浙江德清人焯子康熙九年進士第二

人及第歷官工部侍郎有尊道堂集浙江通志 上閱

視河工以高寶興鹽江泰等七州縣爲下河之衝民苦

昏墊 特簡廷臣發帑修治在豐身歷河淮交匯洪澤射陽車路場諸大河相度原委條奏數十事皆報可乃鑿岡門濬白駒泔丁溪澗草堰嚴州縣妄派寒則具衣襦暑則備醫藥撫恤丁夫人心踊躍工亦次第畢舉鄧孝威尊道集序岷瞻嘗侍讌清宮扈蹕南苑極詩歌賡唱之勞所著尊道堂集情無不周詩亦具備而皆體宏格正流麗而沈雄縱宕而蘊蓄

余雲祚廣東順德人康熙九年進士

顧二榮

俟考

顏氏尺牘姓氏考

三

海山館叢書

張烈字武承號莊持順天大興人康熙九年進士官內閣中書十八年召試博學鴻詞改編修歷官贊善祀鄉賢有明史典訓讀易日鈔四書講義致堂文集四庫全書總目烈篤守朱子之學故集中多講學之文然如朱陸異同論王學質疑皆未免鍛鍊周內不及賈董同異論之持平蓋漢學但有傳經之支派各守師說而已宋學既爭門戶則不得不百計以求勝亦勢之不得不然歟又讀易日鈔一以朱子本義爲因象設事就事陳理猶近時易說之不枝蔓者畿輔通志烈少聰穎

讀書數行俱下長而潛心性命之學毅然以閑邪衛道
爲己任性至孝事繼母委曲承順人無間言生平著述
皆有關人心世道之文

馮遵祖浙江歸安人康熙十二年進士官中書朱彝尊
送馮遵祖宰平陸詩著書獨有五亭好作吏無如三晉
閒醉裏襄陵官饗酒到底柱郭門山耕餘讓畔田千
頃唵對浮查水一灣白雁年年度汾曲相思煙月幾彎
環

張爲煥江蘇崑山人康熙九年進士官渠縣知縣

顏氏尺牘姓氏考

菴海山仙館叢書

白夢鼎字仲調號蝶庵江蘇江寧人康熙九年進士十
八年薦舉博學鴻詞歷官大理寺評事有天山堂集江
南通志夢鼎少與兄夢鼎勤學尙志時有二白之目鼎
官評事總憲魏象樞以博學鴻詞薦庚申補行福建鄉
試鼎爲考官得士最盛鶴徵錄蝶庵與兄夢鼎當明末
俱以公論忤貴人陷於獄母陳氏怡然曰子爲范滂吾
獨不能爲滂母乎會國變得釋

白夢鼎字孟新江蘇江寧人

白眉字子常評事夢鼎子

南懷仁字敦伯西洋人官欽天監監正加工部侍郎諡
勤敏有坤輿圖說坤輿外紀 四庫全書總目坤輿圖
志與艾儒畧職方外紀互相出入而亦有詳畧異同大
致不免有所粉飾池北偶談 本朝監寺官加侍郎銜
者絕少康熙以來欽天監管理厯法南懷仁加工部侍
郎歿後贈禮部侍郎太醫院使馬三俊歿後亦贈禮部
侍郎

京

俟考

均

俟考

顏氏尺牘姓氏考

奎

海山仙館叢書

國猶

俟考

阮 濬字季子安徽懷寧人居易錄季子築草堂於龍
山冬夏惟披一衲因以自號性嗜酒工畫時攜襍被酒
鑪畫具命一僮肩之遊散山水間遇勝處輒流連忘返
謂其友劉鴻儀曰死卽葬我草堂之側題曰酒人阮一
衲之墓詩寒瘦畫筆清絕入 本朝乃卒亦高士云

口

俟考

程 林字雲來安徽歙縣人周亮工印人傳林見寇氛

日熾移家武林得免於黃流之難人服其有卓識精醫

時時講性命之學好爲圖章又以意爲花卉悉有生致
口祖謨

俟考

西塞山人案湖北大冶縣道士磯一名西塞山卽元真

子所謂西塞山前白鷺飛李太白所謂西塞當中路者

余佗廬相國生長大冶故以此自號

質谷主人

俟考

孔毓圻字翊宸號蘭堂至聖六十七代孫襲衍聖公

加太子太保諡恭愨有蘭堂遺稿陳世倌恭愨公傳公

八歲襲封詣京奏謝 太皇太后召見奉 特旨由中

顏氏尺牘姓氏考

矣

海山仙館叢書

道行 錫予便蕃歷數十年大恩禮無間及 大行入

臨卒於京邸始終蒙 恩最渥

孔貞來字元起山東曲阜人明順德通判 國朝歷官

湖州府知府曲阜縣志貞來以陪祀授順德通判鼎革

改判長沙籌餉賑飢具有條理薦擢真定府丞累遷湖

州守未抵官遭耿逆之變遜跡武夷山中康親王知之

資遣至京卒

孔貞瑄字璧六號聊園山東曲阜人順治十八年會試

副榜官大姚縣知縣有大成樂律聊園集滇記黔記縮

地歌 四庫全書總目貞瑄少遊江淮既而官泰安濟南繼乃遠宰大姚所歷山水頗多炎荒萬里徭俗苗境多所記載故軼聞逸事散見於集中其文則奇逸之氣往往不可控制而頽唐潦倒之處亦不一而足云孔繼汾闕里文獻考貞瑄究心經史授大姚知縣滇省鹽法壅滯前明定按丁派食之法兵火後丁亡額缺請減之民困以息黔國公勲莊被土酋所占上官受賂主之貞瑄力爭不得遂罷去

孔貞燦號垣三又號西園季子山東曲阜人明給事中

顏氏尺牘姓氏考

卷三 海山仙館叢書

聞詩子諸生官四氏學學錄有西園詩山東通志貞燦以孝友稱從子相繼爲世尹未嘗一至縣庭其狷介如此顏懋价曰給諫十一子先生獨有高致以千金致名工穿池築山極臨眺之勝宋牧仲爲方伯嘗先過之與定交焉

孔尙任字季重號東塘又號岸塘自稱云亭山人山東曲阜人監生授國子監博士歷官戶部員外有節序同風錄湖海集岸塘文集會心錄桃花扇小忽雷傳奇曲阜縣志康熙二十三年 聖祖幸魯尙任以監生同舉

人尚鉉充講書官尚任進講大學聖經尚鉉進講易經
繫辭上曰孔尚任等陳書講說克副朕懷著不拘例議
用又命尚任尚鉉同衍聖公毓圻等導駕徧覽先
聖遺跡迴鑾授尚任等國子監博士明年奉命從
刑部侍郎孫在豐疏濬黃河海口還朝遷戶部主事
升員外郎尚任博學有文名通音律諸祖庭典故嘗患
舊誌未備廣搜博采別撰新志二十四卷居易錄東塘
博雅好古丙寅丁卯間在江都得漢銅尺一上有文曰
應虎銅尺建初六年八月十五日造後又得一尺定爲

顏氏尺牘姓氏考

癸
海山館叢書

司馬文正公布帛尺自作漢銅尺記周尺考周尺辨三
篇極精核山左詩鈔先生以博士奉使維揚駐節三年
傾賞結納名流畢集以漢銅尺較宋布帛尺確然得周
天之準千古之疑一朝頓釋有功於禮樂匪淺嘗作闕
里誌修族譜旣成以名其二子其風致可想見云
孔尚鉉字立之山東曲阜人康熙十一年舉人歷官戶
部主事

孔允陞字超宗山東曲阜人官壽光教諭

孔衍樾字心一山東臨清人順治進士歷官大名副使

道

孔興詔字綸錫山東曲阜人官雲南糧儲道有滇遊集
孔衍鈺字泗寰山東曲阜人官太常寺博士曲阜縣志
衍鈺弱冠遭賊兵輔汶城害其祖母及父兄慟欲赴鬪
死念母暨諸弟幼潛與避亂伺寇退厚葬三親毀甚長
授大常博士奉祀虔潔年五十事母若孺子慕母病親
奉湯藥夜不解帶撫弟姪恩誼兼至

孔興誘字起正山東曲阜人官卽墨訓導

顏鼎受字孝嘉自號初陽子浙江桐鄉人諸生有嶧山

顏氏尺牘姓氏考

堯
海山仙館叢書

堂半樂堂詩漁歌曲橋李詩繫鼎受少以孝聞九歲得
句云輕風搖翠竹微雨滴黃花遊楚遭亂避跡爲黃冠
盛百二漁鼓曲跋山人少從念臺劉公遊又與楊園張
子相切劘有通符篆避兵祈陽山中忽患虎暴山人以
小木書丹篆置通衢明日獵者於其下獲二虎一豹山
中以安

顏堯揆字紫崖又字耐齋福建永春人明嶧府右長史
延築孫官無爲州知州江南通志堯揆知無爲時前令
佟國貞所築新壩漸爲江濤所齧揆自李家祠至王家

壩築壩八百八十丈濶三丈高一丈次年大水田廬恃以無恙并和州含巢二縣皆賴焉州民勒石於壩上名之曰顏公壩

顏敏字澹叟順天宛平人順治六年進士歷官廣西布政使鈕琇觚臚顏方伯裁缺家居久不得調康熙十六年江南藩司缺出客有以經營之說進者顏曰吾向在西秦元旦假寐夢乘官舫舫中白榜青書有月臨波作案雲倚樹爲屏之聯出觀兩岸紳士稠雜皆云迎方伯公者行已至廣西界矣十年前會有此兆他非所望

顏氏尺牘姓氏考

百
海山仙館叢書

閱三載顏以舊例引見 欽點粵西竟歿於任

顏 學字敷五順天宛平人順治五年舉人歷官敘州府知府祀名宦四川通志學守敘州府時滇寇犯境戎馬在郊捍禦多方民賴以安後卒於官郡人思之不已

顏光南字衡山江蘇儀徵人

顏光表字斗涵浙江仁和人

顏伯璟字子瑩山東曲阜人官河間知府贈光祿寺卿

允紹子明諸生朱彝尊顏公墓表河間兵至中憲公城

孤乏援集家人一室自焚公暨弟伯玠時家充州府兵

亦至公肥不能駛足伯玠掖以行公給弟他顧自躍城
下伯玠俯視慟哭矢及身而卒公伏地爲邏卒所得昇
告其帥帥驚延之坐留帳前有被掠者語曰一婦人不
肯行卒反及擊其臂折罵不已殺之牆下已四日矣驗
其息未絕載之還卽朱宜人中憲公之自焚也幼子伯
珣甫六歲其僕呂有年抱之出途中流矢死伯珣匿民
間得免公旣拾父遺骸訪得與俱還同居無間

顏伯珣字石珍一字季玉號相叔伯珣季弟恩貢生歷
官壽州同知有祇芳園集蒼雨草堂集孔貞瑄曰相叔

顏氏尺牘姓氏考

亘

海山仙館叢書

早年遊金陵爲詩風流跌宕晚年臻平淡靜深之境如
數十年面壁老僧令人驕矜之氣不滌自消山左詩鈔
先生官壽州日修復芍陂之利余署鳳陽府緣聞其遺
愛在泗上築祇芳園聚一時名流唱和其中

顏伯秀字方壺山東曲阜人歲貢生官樂陵訓導

顏光是字去非山東曲阜人康熙二年舉人歷官邵武
府知府曲阜縣志光是授新野令邑故歲貢鉛郡縣吏
因緣爲奸光是痛加滌除郡守怒不爲動上官以爲能
擢戶部主事轉兵部郎中出爲邵武守以忠信率屬獄

至立剖無留者時有豪民犯大辟屬私人以金減等光
是日卽巨萬吾判可易乎其執法如此顏氏族譜光是
引疾歸不樂居城市從仲兄與鄉之父老遊出則同車
連騎入則聯牀共几陶陶于子者十餘年痛伯兄早逝
以次子爲之嗣更給田百畝戒之曰謹奉祀以代養也
每與仲兄議建家祠未幾兄卒瞿然曰吾年七十餘一
且溘然長逝誰爲此者遂買地庀材夙夜經營落成日
率三世子孫祭畢曰可報仲兄於九原矣

顏光猷字秩宗號澹園伯璟長子康熙十二年進士歷

顏氏尺牘姓氏考

宣

海山仙館叢書

官河東運使有易經說義水明樓詩曲阜縣志光猷選
庶吉士充丙辰會試同考官父憂服除改行人司正轉
刑部郎中出守安順府值提督李芳述部兵激讜光猷
匹馬入其壘曉以大義皆投戈受命芳述曰公再生我
也轉河東運使時山陝河南行引鹽引尾州縣關防境
壤相錯跬步羅法光猷力請通省爲一關防民以永利
祿俸所積修復聖廟繕以石欄建陋巷坊置祀田四
百六十畝請以祖允紹從祀事母色養老彌篤與人質
直見人必勸以善隨所得淺深皆得其報

顏光敏

顏光敏字學山伯璵季子康熙二十七年進士官檢討
曲阜縣志光敏康熙甲子舉於鄉其冬天子幸闕里
奠至聖光敏以助祭例卽宰縣不就越三年成進士
授檢討講官闕聖祖憶光敏名召問其家世及幸
魯時事喜甚遂補日講官起居注主浙江鄉試已遂提
督浙江學政直隸江浙例差閣部大臣光敏以檢討承
特簡異數也光敏益感激絕請謁嚴校勘束芻粒米
不以累有司積勞嘔血不少懈訓士如嚴師慈父士氣

顏氏尺牘姓氏考

三

海山仙館叢書

騰踊所刊試牘爲八宗師考卷之冠在官三年雖舉主
不少徇大逆諸貴人意往往爲蜚語欲中傷文吏吹索
不得毫毛以簿書疵鐫二級光敏夷然不介帶巡撫線
一信來祖送直入卽室文籍外無長物太息而去抵北
新關權使假拜謁入舟見數敝篋無肩鑄乃錯愕愧謝
及復命遂引疾上嘉其廉慎特命大學士王熙視
疾傳旨慰留疾篤乃得歸卒於家年僅四十光敏有
神悟少學鼓琴崇朝盡得其妙習射不中不歸食至日
晨發必中用心甚危苦至傷生所撰著皆未成士人惜

之浙江通志光學督學浙江往例提調官薦儒童一二
人無敢以私干者杭郡代倩特甚取歲進新生局戶另
試與原卷迥異者黜之並黜代倩保結之人所刻試牘
風行海內垂三十餘年士林誦習不異於初旣祀名宦
浙士復念之不已專祀西湖春秋致祭朱彝尊顏君清
德碑浙東西就試者至萬餘人主司之不公士且攢譏
竦誚有裂胸紙而以瓦礫擊其後者君來榜旣放雖見
抑者無怨及聞君再至各以手加額君克循祖父忠孝
之門風入稟太天人之訓焚膏點筆靡間晨暮席門饗
牖草帶紉履之士悉甄綜無遺才飯藜茹藿甘之如飴
士皆鼓舞自奮而君斯瘁矣

顏氏尺牘姓氏考

高

海山仙館叢書

顏肇雍初名肇維字肅之又字次雷號漫翁自號紅亭
老人光敏子貢生歷官行人有鍾水堂詩莎齋稿漫翁
編年稿牛運震顏公墓志公所與遊如嶧陽李克敬歷
敬王萃等皆當時名士其掌臨海龍顧山陽書院造就
尤多詩長於近體曲阜縣志肇維知臨海以興利革弊
爲任首除里甲濶稅徵米改折之累民情歡服值江海
鬪泛濫爲災設粥賑飢者全活無算察趙公河故道三

溝六浦悉鳩工浚之灌溉有資建太平橋增高湯信國
備倭五十九城之七

顏懋僑字癡仲一字幼客筆維子思貢生官觀城教諭
有江干幼客石鏡齋蕉園諸集西華行卷天文管窺摭
史奈園錄秋莊小識霞城筆記曲阜縣志懋僑幼博學
強記隨臨海任台守張招飲半江樓酒酣出紙筆索爲
天台賦援筆立就充 萬善殿教習寶齋齋二十三王
謂曰久聞詩人顏幼客今乃得見耶 召試瀛臺天陰
欲雪 上得句云雪香梅綻蕊卽對云雲響竹留聲又

顏氏尺牘姓氏考

夏 海山仙館叢書

賦望雲思雪紀 恩詩和 御製落葉詩悉稱 旨授
教諭嚴祀事簿正頒肉之格理學地及膳士田之侵於
民者還其舊顏懋僑幼客行狀兄生有異徵泗水楚家
寺僧慧朗將化與弟子訣云投舍曲阜顏考功宅詰朝
來訪且言其事於是人以為慧朗後身翰遜行云關中
屈服稱詩都下高自位置後進者罕得一見幼客矚其
在寓排闥入臥內竟登其榻與對坐久之屈不能耐詢
所自曰我曲阜顏懋僑也聞君能詩未知如何特來訪
君一談屈已心異之往復旣久辨若縣河屈大折服因

謝過遂訂交焉

顏懋倫字樂清號清谷運使光猷孫拔貢生歷官鹿邑知縣乾隆元年薦舉博學鴻詞有癸乙編端虛吟什一編夷門遊草曲阜縣志懋倫擢鹿邑令五年移疾歸後發河南候補滑縣蝗甚勤能署裕州泌陽南陽皆有聲篤好文學與滋陽牛運震晉江何琦相切劘尤邃於

詩

顏懋价字介子號慕如自稱五梧居士懋倫弟拔貢生官肥城教諭曲阜縣志懋价少與懋倫博稽禮經定詳

顏氏尺牘姓氏考

真 海山仙館叢書

喪制凡飭匱井椁治墓及牆柳帷荒明器下帷之屬悉遵古禮故其執親之喪必誠必信勿有悔書宗顏柳詩希杜韓有文名授教諭痛時俗葬親慢與渴皆非豐古且糜費作正俗說新 文廟修禮樂器遜俗生習儀容釐正學田葺先賢祠以敦本厲品期有用學諄諄課士

顏氏尺牘姓氏考 終

08757

